

四庫全書

經部

欽定四庫全書

經部

易纂言卷三
四

詳校官內閣學士臣瑞保

通校司副使_臣莫瞻菴覆勘

總校官檢討_臣何思鈞

校對官編修_臣朱攸

謄錄監生_臣王冠成

欽定四庫全書

易纂言卷三

元 吳澄 撰

象上傳

象者文王所繫六十四卦之辭象傳者夫子而釋文王之象辭而作也經有上下二

篇故傳亦依經而分上下陸氏云象斷也以斷一
卦之吉凶者繫字書象即豕字從彡從豕豕頭
象其上銳之形蓋豕豕也其頭最有力而銳善斷
物故假借為決斷之義音與豕同又音羊至切因
假借其義又假借
其音為通貫切

大哉乾元萬物資始乃統天

此釋象辭元字凡易中言
大者皆謂陽乾以剛健為

元故稱大資取也始謂本其氣統猶總也元為天德之總名天之德統於元猶人之德統於仁也雲行

雨施品物流形

此釋象辭亨字雲行於天雨施於地則各品之物生者皆長形由短而倏至於

修如水之流由此而倏至於彼也故曰流形乾有元德能致品物之亨是謂元亨元亨者元之亨也乾道

變化各正性命保合大和乃利貞

此釋象辭利貞變者化之漸化者變之成

乾道以漸變物而至於化長者成實則一實之中各具一性命正者全而无偏也以天所賦則謂之命以物所受則謂之性而物所受即天所賦者也故曰性命保如保城之保猶言定也合如合衆之合猶言聚也所受所賦之性命完聚於一實中藏天德之大畧无乖戾故曰大和各正謂貞大和謂利先言貞後言利者天道之貞無所不利乃所謂利貞首出庶物萬國咸寧上文言天道利貞者利於貞也

聖人之元亨也聖人之德如人之荀獨高而出乎庶物之上所謂元也有此元德故能致萬國咸寧之治所謂亨大明終始六位時成時乘六龍以御天之利貞此言

聖人之利貞也大明日也聖人之隨時應務如大明之照今日既終明日又始因其潛躍見飛惕亢之時處之曲常各无虧欠所謂貞也隨六者之時而乘此龍德以當天運與時宜之所謂利也

傳一之凡五十七字大明至御天十五字舊本錯簡在品物流形之下今正之施申志切長知兩切見賢遍切

至哉坤元萬物資生乃順承天

此釋彖辭元字程子曰乾稱大故坤稱至至義

差緩不若大之盛也溢謂乾以陽為元故稱大坤以陰為元故不得稱大也至極也始者氣之始生者形之始

天地一元而以萬物之形皆生於地原其氣之所始則出於天坤所生之物即乾所始之物同此一元乾既始之則坤以順上承坤厚載物德合无疆含弘光大品物天之施而生之爾

咸亨

此釋彖辭亨字坤體之厚能載萬物其德合於乾之无疆謂配乾元也弘亦大也靜翕之時含藏天

氣於地中者甚弘動闢之時萬物生出光輝發見於地上者甚大而諸品之嘉美咸會也坤德配乾元其能致品物之咸亨者雖乾之功亦牝馬地類行地无疆柔順坤之功也乾坤非有二元亨也

利貞君子攸行

此釋彖辭利牝馬之貞而并釋君子有攸往一句馬陽物也牝則屬陰而與地

同類故取牝馬為象其行於地而能无疆足以配乾之健也坤柔之順乎乾剛如牝馬之順乎牡馬則利於正主事君子之有所往先迷失道後順得常西南得朋乃者其行亦當如是也

與類行東北喪朋乃終有慶

言君子所行先則迷而失其道後則順而得其常得

常謂得主也蓋陰柔不宜倡而宜隨也西南方之得朋者謂三四相比近也然不過與其同類之陰同行而已

東北方之喪朋者謂初上相隔遠也然散去陰朋而往從陽則終必有慶也蓋陰朋不宜合而宜離也安

貞之吉應地无疆

安象地之屹然不動安而貞則吉者謂其能如地道之无疆也无疆者謂

終古常安靜也程子曰三元疆蓋不同德合元疆天之不已也應地无疆地之无窮也行地无疆馬之健行也

傳一之二凡七十六字註之施申志切發見賢遍切比近皮二切後凡不音者並同

屯剛柔始交而難生動乎險中

以卦體卦德釋卦名朱子曰始交謂震難生謂

坎程子曰動乎險中艱屯之義

大亨貞雷雨之動滿盈

以下釋彖辭大釋元大者謂陽

屯之元以九五之陽為卦主也乾坤之外有元亨利貞者五卦屯隨臨无妄革也有元亨者四卦大有蠱升鼎也屯隨无妄革之五臨升之二以陽為元彖傳皆釋為大大有鼎之五蠱之初以陰為元則不釋為大止謂之元亨利貞程子以為大不足以盡元義元亨重於大亨非也乾元稱大者陽也坤元者陰則不稱大矣屯之時非元亨也解其屯而後亨雷雨以卦之二象言動謂震雷滿盈謂坎雨雲上雷下鬱結而未成雨所以為屯若震坎二象上下互易變屯為解則雷動乎上雨降而滿盈乎下屯之鬱結者解而未亨者亨矣卦主九五雖陽剛中正然爻辭屯其膏之象何有元亨大貞凶之占何有於利貞彖辭之元亨利貞必變易雷雲之屯轉為雷雨之解乃是陽元之大能致亨而利於正主事也程子曰所謂大亨貞者雷雨之動滿盈也艱屯未能通暢及其和洽則成雷雨生物天造草昧宜建侯而不寧天造草昧釋乃遂亨之道也勿用有攸往

天造謂天地肇造之初草昧謂人與禽獸離處於草莽
茫昧之中屯難之時一如鴻荒草昧之世不可以有往
也宜建侯而不寧釋利建侯宜利也方時之屯无所統
屬則亂宜立君以治之故一陽自外而入居於內以君
其民也蔡氏曰不寧不安也言當急也朱子曰未可遽
謂安寧也丘氏富國曰章首先釋卦名次釋卦辭又卦
義有未盡者從而推廣之此彖傳定例也離取卦體卦
象卦德卦變四者卦體以兩體及六爻之義言如屯剛
柔始交而難生之類卦象以天地雷風山澤水火言如
雷雨之動滿盈之類卦德以健順明險動入止說言如
動乎險中之類卦變以剛柔往來上下言如柔來文
剛分剛上而文柔之類自屯以下大要皆不越此

傳一之三凡三十一字難生乃旦切
註傳直繼切後不音者並同解音蟹

蒙山下有險險而止蒙

有以卦象卦德釋卦名艮山之險地之蒙也內險不

可處外止莫能進人之蒙也

蒙亨以亨行時中也

以下釋彖辭蒙元亨也九二為蒙之

主其才可以致亨也以險而止蒙未亨之時也以亨而行蒙既亨之時也所以致此者以九二當其時而得中

也匪我求童蒙童蒙求我志應也

程子曰二以剛明之賢處下五以童蒙居

上非是二求於五蓋五之志應於二也

初筮告以剛中也再三瀆瀆則不

告瀆蒙也

初筮得此卦則許其來學而告之告之者以剛中之道開發其蒙也若再筮三筮始得此

卦則當不答所求儻或告之則不但我之問筮者為瀆神而我之告童蒙者亦為瀆蒙矣

蒙以養正

聖功也

釋利貞而廣其義彖辭為占者言謂占者利於正主事也凡他卦之利貞其義皆然彖傳則為

童蒙言謂童蒙未有所為无正主之事利貞者利於養其良知良能之正此乃作聖之功也然童蒙所養之正

即他日長而王事之正夫子雖是
推廣文王之辭而亦非有二義也

傳一之四凡五十三字註為
占為童云偽切長而知兩切

需須也險在前也剛健而不陷其義不困窮矣

釋卦名

程子曰險在前未可遽進故需待剛健之人其動必躁
以乾之剛健而能需待不陷於險處之至善者也故夫

子質之云其需有孚光亨貞吉位乎天位以正中也

下以

釋彖辭需待之時有孚應者光顯而亨正主事而吉蓋
以九五位乎天位之尊而得正又得中也朱子曰正中

與中正同創其利涉大川往有功也

需自大壯而變四
往居五而成丹象

五在舟之前往進以
出乎險故曰有功

傳一之五凡
四十一字

訟上剛下險險而健訟

以卦德釋卦名程子曰乾上坎下上剛下險剛險相接能无訟

乎又人內險外剛險而又健是以訟也晁氏曰上以剛陵下下不險則未必訟下以險陷上上不剛則未必訟

外健而內不險未必生訟訟有孚窒惕中吉剛來而得內險而外不健未必能訟

中也

以下釋彖辭此以卦變言占之如此者以九二之剛自三來二而得下卦之中也惟剛實故能致人

之孚又為窒塞惟在中故能惕終凶訟不可成也
程子曰成懼又能止於中申之時而不過

謂窮盡其事也利見大人尚中正也
以卦體言尚上也中正不

利涉大川入于淵也
以卦變言謂初也初地下之位故曰淵乾九四爻辭在淵亦謂初

也九二自三降二若舟行退
後又自二降初是入于淵也

傳一之六凡
四十六字

師衆也貞正也能以衆正可以王矣

以卦體釋卦名及
彖辭貞丈人之義

以猶言用也朱子曰以謂能左右之一陽在下卦之中
而五陰皆為所以也澄謂能以其衆而正王市者湯武
之師是也故曰可以王矣王謂九二剛中之大人崔剛
氏懔曰域中有四大而王居其一為王者必大人也剛
中而應行險而順以此毒天下而民從之吉又何咎矣

以卦體卦德釋吉无咎之義朱子曰剛中謂九二應謂
六五應之行險謂行危道順謂順人心毒害也師旅之
興不无害於天下然以其有是才德是以民說
而從之也澄案毒天下謂內坎民從之謂外坤

傳一之七凡三十六
字注左右之並去聲

比吉也比輔也下順從也

此以卦體釋卦名及彖辭吉之義

字比輔謂如車輔之比近而輔於幅原筮元永貞无咎

以剛中也

再筮之占元永貞而无咎者以九五之剛不

寧方來上下應也

九不寧謂上六比之時下四陰皆順從

而防風獨後今此方且來從則下四陰應而上一陰亦應故曰上下應也

後夫凶其道窮

也女再嫁而從後夫男娶之而為後夫

傳一之八凡三十五字此吉下舊本有也字

王昭素云多也字此皮二切注朝禹音潮

小畜柔得位而上下應之曰小畜

以卦體釋卦名柔得位謂六居四上下謂

五陽五陽皆應之而一陰得以藏畜於其間也健而巽剛中而志行乃亨

以卦體釋

體釋柔辭之占以一卦言則內剛健以立心外柔巽以應事以二爻言則九五剛得中六四與之合而志得行

所以能致亨也密雲不雨尚往也自我西郊施未行也

雲氣上往故雨

不下來西郊者陰陰非能施者故施未行

傳一之九凡三十八字施申志切

履柔履剛也

以卦變釋卦名

說而應乎乾是以履虎尾不咥人

以卦德兼卦體釋柔辭之象莊子云虎與人與類而媚養已者順也其殺者逆也六三成卦之主為履虎尾之

人柔居說體能和說以馴順乎虎音也上乾為虎之首而剛猛六三應乾之上九是能應虎之所求上畫實有以實其口也既能和悅以順之又何以應其求而養之能如是虎亦媚之矣所以雖踐其尾而不遭其噬也

亨剛中正履帝位而不疚光明也

又以卦體釋彖辭之占言占之亨者以九

五之剛中正履帝位而不疚且光明也剛而得中得正其德之不疚病也尊居帝位而臨下其位之光明顯著也不疚光明所以亨也

傳一之十凡三十一字說音曰噬徒結切疚居又切

泰小往大來吉亨

總提卦名與彖辭

則是天地交而萬物通也

上下交而其志同也

釋卦名通謂句萌卑達生內陽而出地上上謂君下謂臣民

外陰內健而外順內君子而外小人

釋小往大來

君子道長

小人道消也

釋吉亨也

傳一之十一凡五十一字長知兩切注句居侯切

否不利君子貞大往小來

總提卦名與彖辭

則是天地不交而

萬物不通也上下不交而天下无邦也

釋卦名春天地之氣交則萬物

發達而生秋天地之氣不交則萬物天闕而死先王建邦以分治天下之民君之心下逮於民民之情上通於

君則天下治而為泰若君心不下逮民情不上通是上下隔絕不交天下雖有邦與无邦同矣所以為否也

內陰而外陽內柔而外剛內小人而外君子

釋大往小來

人道長君子道消也

釋不利君子貞

傳一之十二凡五十八字否下舊本有之匪人三字因經文衍而誤增也長知兩切注天因了

切關因葛切

同人柔得位得中而應乎乾曰同人

以卦體釋卦名柔謂六二乾謂九五

同人于野亨利涉大川乾行也

以下釋彖辭承上文應乎乾而言所以致亨而

利涉大川者由乾之剛健而行也柔雖得位得中然非應乎乾則不能有此亨利也

文明以健中

正而應君子正也唯君子為能通天下之志

以卦體釋利君

子貞內文明則察於理外剛健則勇於義中正則內无私心應乾則外合天德此皆君子之正道也天下之志

不一也唯君子得大同之正道故能至公无私視人由已通達天下衆人之志而為一利君子之正主事者以此

傳一之十三凡四十八字曰同人下舊本有同人曰三字胡氏程子皆謂衍字

大有柔得尊位大中而上下應之曰大有

以卦體釋卦名柔謂六五

尊位謂五五陽位居上卦之中故曰大中上下謂上卦二陽下卦三陽一柔而得五陽之應是陽之多也故曰

有其德剛健而文明應乎天而時行是以元亨

以卦德卦體釋

象辭應乎天謂六五應九二時行謂柔不當居尊然其時適行而至此則當其可也夫有剛健文明之德又順乎天理行之所至當其可如是可謂善之長矣宜其能致嘉之會也

傳一之十四凡三十三字注長知兩切

謙亨天道下濟而光明地道卑而上行

以卦體釋卦名及彖辭亨之義

天道下濟而光明謂艮在下卦濟猶既濟未濟之濟艮之下畫中畫即坤之下畫中畫也以乾之上畫交坤成艮陽下濟陰天先下臨故艮有光明之象地道卑而上行謂坤在上卦坤在下至卑也而其氣能上行以與天氣交下濟與卑釋謙字光明上天道虧盈而益謙地道行釋亨字惟其謙所以亨也

變盈而流謙鬼神害盈而福謙人道惡盈而好謙謙尊

而光卑而不可踰君子之終也

又廣言謙理以釋君子有終虧益以消長進退

之氣言變流以高下凹凸之形言害福以殃慶休咎之應言惡好以從違向背之情言朱子曰變謂傾壞流謂聚而歸之澄謂謙者尊崇他人以居已上而已亦光顯卑抑自己以居人下而人亦不可踰越之此君子之所

以有終也

傳一之十五凡五十七字惡好並去聲
長知兩切凹於交切凸徒結切背音佩

豫剛應而志行順以動豫

以卦體卦德釋卦名一剛為主上下衆柔應之而剛之志

得行順序以動動不後時
事皆如意所以以暇而樂也

豫順以動故天地如之而況

建侯行師乎

以卦德釋彖辭豫卦之義順序以動而已
雖天地之運亦如此也而況建侯行師之

乎天地以順動故日月不過而四時不忒聖人以順動

則刑罰清而民服

廣豫義天地之順序而動豫也故曰
月之行不少過差而四時之不忒由

此聖人之順序而動豫也故刑罰清
明无不允當而民心之咸服由此

豫之時義大矣哉

時義言豫時之義理項氏曰豫隨遯始旅皆若淺事而有深意曰時義大矣哉欲人之思之也險睽蹇皆非美事聖人有時而用之曰時用大矣哉欲人之別之也頤大過解革皆大事大變也曰時大矣哉欲人之謹之也頤澄謂夫子於彖傳特言十二卦之時專言時者四蓋聖人之博施兼養賢才之極盛過多此古今至治之世解除大難革變大命此古今非常之事孰有如此時之大者非大德大才不能當其會也故曰時大矣哉言時義者五蓋豫說隨從君子方遯而必消小人初遇而必感與夫羈旅於外非時之大也而處之必適其宜所以處斯時之義則大故曰時義大矣哉言時用者三蓋險非可恃睽蹇非人之所願然亦有時而用之非常用者也於斯時而用則為大如莊子所謂雞癰豕零是時為帝故曰時用大矣哉專言時者重在時字時義重在義字時用重在用字或乃以時義為時與義時用為時與用失之矣唯項氏謹之思之別之之說得其意

傳一之十六凡六十字註樂音洛列
彼列切施申志切夫音扶雍音雍

隨剛來而下柔動而說隨

以卦變卦德釋卦名一剛自
上來初下於二柔而柔隨之

震男動乎內而兌女
說乎外以隨之也

大亨貞元咎而天下隨之

釋彖辭
陽剛之

元德能致亨而貞則无
咎而天下皆從之也

隨之時義大矣哉

以為人之隨者
以己從人而

已宜若小然於斯時也而思其義之
大則不以隨為小事而輕且苟矣

傳一之十七凡二十七字天下隨之舊本之作
時隨之時義舊本作隨時之義朱子依王肅本

說音
曰

蠱剛上而柔下巽而止蠱

以卦變卦德釋卦名剛上則
有為者退柔下則无能者進

欽定四庫全書

易學卷三

七

巽懦而止則元能而此又蠱元亨而天下治也以下釋彖辭有元德

不為也卦之成蠱以此蠱元亨而天下治也蠱之時當勇往有所

能致亨而天利涉大川往有事也蠱之以濟險難若巽懦

而止則終於先甲三日後甲三日終則有始天行也有

蠱而已矣道數日以甲者以其為十日之始也先乎甲之三日者

辛也由辛而壬癸則十日終終則入始於甲歷乙丙而至丁則又為後乎甲之三日矣終始者天行之循

環也治蠱者柔當先甲辛後甲丁如天之行也傳一之十八凡四十一字註

險難乃旦切數日色主切臨剛浸而長釋卦名臨者上之親近乎下也剛浸而長

臨在下之剛在下之剛浸長則說而順剛中而應大亨在上者愈相親近臨之義也

以正天之道也

以下釋彖辭以卦德卦體言剛以說進而柔在上順之九二剛中而六五在上

應之此陽剛之大所以能致亨而正主事者合乎天之道也

至于八月有凶消不久

也

臨卦二陽長而消二陰然自一陽生之月歷八月則為遯卦二陰長而消二陽矣今之二陽長至于八月

而二陽消亦不久也朱子曰雖天運之當然然君子宜知所戒項氏曰元亨利貞指六陽之卦也八月有凶指二陰之卦也二陽方長雖未成乾而已有乾之德必至於乾者天道然也故曰天之道未至成遯而已有遯之禍其長如此其消亦如此故曰消不久然則撫消息盈虛之運者可不勉其所必至而防其所將及哉

傳一之十九凡三十

字長知兩切說音曰

大觀在上順而巽中正以觀天下

以卦德卦體釋卦名大謂二剛觀天下之

觀去聲示也二剛之大為四柔所觀而在其上其德順於民而巽於己九五居中得正示衣儀於天下居在上之位而又有如是之德是以為下之所觀而卦名曰觀也項氏曰觀四陰方盛以二陽為大而曰大觀大壯二陰在上以四陽為大而曰大壯不論其多寡上下而論其德也觀字卦名并卦內並是平聲惟觀天下一字是去聲爾序卦以可觀解卦名雜卦以或求解卦義皆下觀上也彖之觀天象之觀民六爻之所以觀无一可作去聲者頤與觀互相變故頤之觀盟而不薦有孚顒若卦辭文辭皆用觀字亦是平聲觀盟而不薦有孚顒若下觀而化也釋彖辭觀其盥不待觀其薦而有孚已顒若者下之觀上而化也言感應之機甚速

觀天之神道而四時不忒聖人以神道設教而天下服

矣

廣觀義上文所言感應之速者觀道之神也因言天道之神神者妙不可測之謂服者從而化也人觀天

道之神莫知其然而四時代謝終古如一元以差忒觀
道亦然常人以言設教則有聲音以身設教則有形迹
聖人之道如天之妙不可測以之設教非有聲音非有
形迹不設而設不教之教天下一觀感之餘其應捷如
影響莫不從而化焉應其所感亦如四時之應乎天而
无有差忒也蓋所存甚神故所過即化篤恭而天下平
如上天之无聲无臭而萬邦
皆作孚此其所以為神道與

傳一之二十四
九字註道與音余

頤中有物曰噬嗑

以卦體釋卦名程子曰外剛中虛頤
口之象中虛之中久一剛為頤中有

物之象口中物隔其上下不得噬故為噬嗑而亨剛柔分動而
得噬必齧之則得噬故為噬嗑而亨剛柔分動而

明雷電合而章

以下釋義辭以卦變卦德卦象言卦自
否變否之三陽分其一為初九而成震

之動否之三柔分其一為六五而成離之明剛柔分則隔而未合也動而噬之使合也明則有亨之意矣雷開而雷合則既噬而噬也雷合而電章則既噬而亨也章有嘉美之義剛柔分動而明言未噬之前以噬而致亨雷電合而章言既噬之後以噬而遂亨先之以柔得中噬嗑而亨四字者項氏曰此二句解噬嗑亨也柔得中而上行雖不當位利用獄也柔自初上行至五得上卦之中居五雖不當位然以柔居剛為以剛濟柔而不過於柔治獄所宜也結之以利用獄也四字者項氏曰此兩句解利用獄也噬嗑而亨何事不利而獨利用獄者六五以柔在上才不當位不足以致大利獨以柔得中利於用獄而已

傳一之二十一
凡三十六字

賁柔來而文剛故亨分剛上而文柔故小利有攸往

卦以

變釋彖辭項氏曰二剛為質而以柔文之則卦之內體固有能亨之道及內之一剛分往居外反使二柔為質而以剛文之故小利有攸往而已以柔文剛則順以剛文柔則悖蓋其質既弱則文无所施也澄案項說小字雖未合文義然亦一義也剛柔交錯天文也文明以止人文也觀乎

天文以察時變觀乎人文以化成天下

廣賁義以卦體言交錯者初與

二三與四五與上皆以一剛一柔相間在天日月之行星辰之布亦剛柔交錯故曰天文也以卦德言文明者文彩著明止者不踰分限在人五典之叙五禮之秩祭然有文而各安所止故曰人文也時變謂四時寒暑代謝之變化謂舊者化新成謂久而成俗程子曰天文謂日月星辰之錯列觀之以察四時之遷改人文人理之

倫序觀之以教化天下成其禮俗乃聖人用貴之道也

傳一之二十二凡五十二字貴下舊本有亨字朱子曰疑衍今刪去天文也上舊本无剛柔交錯四字胡氏曰蓋遺脫朱子曰或然也澄案王弼註天文也三字自為一節不與上文連而註云剛柔交錯而成天文則疑若當時此四字未遺脫然今從胡氏說補之

剝剝也柔變剛也

以卦體釋卦名陰柔剝剝陽剛變五剛為柔也

不利有攸往

小人長也順而止之觀象也君子尚消息盈虛天行也

以卦體卦德釋彖辭陰柔小人方長盛而消剝陽剛君子豈宜有往也下坤順上艮止有順時而止之象君子觀此卦象知陰方息而盈陽方消而虛此乃天運之流行唯當順時而止所以不往也尚猶貴也所貴者能知

消息盈
虛也

傳一之二十三凡三
十三字長知兩切

復亨剛反也

釋卦名及彖辭亨之義剛反釋復字而亨之意在其中剛既反則日長日盛而亨矣

動而以順行是以出入无疾朋來无咎

以卦德言動而以順行則其動

皆无逆理拂意之事所以已之

反復其道七日來復天

行也

自陰生至陽復凡七月此乃天運之行自然而然故人之出外而反者復其故道亦當七日而來至

其占應乎天行之自然也項氏曰剝曰君子尚消息盈虛天行也復曰反復其道七日來復天行也道之興廢

皆天利有攸往剛長也

剛之長當進而往入於剛長之時亦宜有所往也項氏曰剝曰

不利有攸往小人長也復曰利有攸復其見天地之心

乎程子曰一陽復於下乃天地生物之心也先儒皆以

知道者孰能識之邵子曰冬至子之半天心无改移一

陽初動處萬物未生時玄酒味方淡大音聲正希此言

如不信更請問包羲問天地之心雖靜未嘗不流行何

為必於復乃見之朱子曰三陽之時萬物蕃新只見物

之盛大天地之心却不可見唯是一陽初復萬物未生

冷冷靜靜而一陽既動生物之心闢然而見雖在積陰

之中自掩藏不得此所以

必於復見天地之心也

傳一之二十四凡四十六字剛反

下舊本无也字今補之長知兩切

无妄剛自外來而為主於內以卦變釋卦名剛為天理

柔為人欲外謂三內謂初

遜之初三相易剛自三來初為一卦之主易去動而健
內柔是天理為主於內而去其人欲之妄也

剛中而應大亨以正天之命也

以下釋彖辭以卦德卦體言動而剛健不息剛

得中而柔應之此天之所以為天者而卦具此善是與
天之道合矣故其大德能致亨以正主事其占與乾同
也天之命即天之道以其自然則曰其匪正有眚不利
道以其流行則曰命改字叶韻爾

有攸往无妄之往何之矣天命不佑行矣哉

上之字助語下之字

適也往也无妄天之正命也无妄者之往宜何所適乎
適正可也匪正而往則是拂天命矣天命所不佑其可
行乎哉

傳一之二十五凡五
十字註去起吕切

大畜剛健篤實輝光日新其德

以卦體釋卦名乾體剛健艮體篤實乾艮五離

為光輝此陽剛之大德畜而然也大者畜剛上而尚賢則可久故其德日新而有常日新亦離象

能止健大正也

以下釋彖辭以卦變卦德言利貞卦自大壯而變一剛由四升上為大畜之主

爻五四二柔以一剛為賢而尊上之上艮之止能止下乾之健考爻義則止乾之健者艮之二柔為之也彖傳

乃謂二柔尊上一剛於已之上其能止健者一剛之大正主其事也而非二柔之小者為之不以止健之功歸

之於陰小蓋不家食吉養賢也

賢為陽類賢人之聚君上當養之使之食天祿

不當使之家食也利涉大川應乎天也

涉險非乾健之力不能六五下

此賢字謂乾三陽應乎乾故能涉大川

傳一之二十六
凡三十八字

頤貞吉養正則吉也

釋卦名及彖辭頤貞吉之義

觀頤觀

其所養也自求口實觀其自養也

所養養人自養養己項氏曰觀其所養指

上九言觀其自養指初九言初上二陽上下兩卦之主爻也非夫子贊辭明白則後儒必不分作養人養己兩

條天地養萬物聖人養賢以及萬民

廣頤義初上二畫乾之初九上九也

中間四畫坤之六二六三六四六五也天包地外萬物生養於地中上九在上之陽聖人也初九在下之陽賢人也四陰坤之衆萬民也程子曰聖人養賢所以養萬民也與共天位食天祿俾施澤於天下養賢以及萬民也
頤之時大矣哉
程子曰天地之中品物之衆非養則不生聖人裁成天地之道輔相天地

之宜以養天下至於鳥獸草木皆有養之之政其道配
天地故曰頤之時大矣哉或云義或云用或止云時以
其大者也萬物之生
與養時為大故云時

傳一之二十七凡四十三
字註施申志切相息亮切

大過大者過也

以卦體釋卦名過謂多於陰

棟橈本末弱也

以卦體釋象辭

之象本謂初末謂上弱謂陰柔剛過而中巽而說行利有攸往乃亨

以卦

體卦德釋象辭之占剛雖過盛而二五皆得中則雖過
不過矣以柔巽柔說而行是以柔濟其過盛之剛也不
恃其盛而過於剛所大過之時大矣哉大過之時君子
以利於往而能致身大過之時大矣哉大過之時君子
於處則為君子利且亨之時故贊其大

傳一之二十八凡
三十三字說音曰

習坎重險也

釋卦名

水流而不盈行險而不失其信

釋彖

辭以卦象卦德言流者一陽之動於中不盈者陷於二陰而未能出險謂中能陷人隔絕內外不失其信謂逝者如斯不舍晝夜雖動流於科坎之中而不盈滿以出乎科坎之外此釋卦名坎字雖行於有險之中而不失其有常之信此釋彖辭有孚字水之有信如此故維心筮得此卦者人之有孚於己亦如水之有信也

亨乃以剛中也

以卦體言二五剛中之實足以感人故人皆維係其心而不釋致亨之道由此

行有尚往有功也

六四往則上得九五之配合是往而有功也

天險不可升

也地險山川丘陵也王公設險以守其國

廣坎險義不可升者无形

之險山川丘陵者有形之險王公因有形之險險之時用險為无形之險設此以固守其國是謂人險

大矣哉

險雖非美事而有時得用故贊其大

傳一之二十九凡五十九字註舍音捨

離麗也日月麗乎天百穀草木麗乎土重明以麗乎正

乃化成天下

釋卦名項氏曰日月麗乎天而成明百穀草木麗乎土而成文故卦為文又為明重

明以麗乎正此統論一卦之義以釋卦名也上卦為重明下卦三爻皆麗乎正故曰重明以麗乎正以字如同

人之文明以健貴之文明以止皆論上下兩卦上為重明之君下皆麗乎正之人此明君能化成天下之象

柔麗乎中正故亨是以畜牝牛吉也

以卦體釋彖辭雖柔而利於正主事

者以其麗乎中正也亨吉二占皆由利貞而得項氏曰
柔麗乎中正此以二五成卦之爻釋卦辭也五麗乎中
二麗乎正中人能附順乎中正之道故亨是以畜牝牛
吉加是以二字明柔附本非令德以能附麗乎中正是
以吉也苟附麗非正則安得吉哉朱子曰柔麗乎中正
說六二分數多六五柔麗乎中正不得其正特借中字
包正字爾

傳一之三十
凡四十字

易纂言卷三

欽定四庫全書

易纂言卷四

元 吳澄 撰

彖下傳

咸感也柔上而剛下二氣感應以相與

以卦變卦體釋卦名否剛柔不

交之卦也否六三之柔上往上交乾之剛否上九之剛下來三而交坤之柔故為交感之卦二氣謂陰陽相與謂有應卦之二體陽感而陰應陰感而陽應六畫皆相與卦之所以得咸感之名也止而說男下女是以亨利貞取女吉也

此以卦德卦象釋彖辭止於此則不妄動說於此則不

他慕交感之情專一无二故能致嘉美聚會而宜天地
正主事又男先求女而下於女故取女則吉也

感而萬物化生聖人感人心而天下和平觀其所感而

天地萬物之情可見矣

廣咸義天地之氣交相感其應則萬物由化而生聖人之一心

感天下萬人之心其應則天下之人由和而平化謂无者有枯者榮和謂不乖戾平謂均齊而无一不和所感者天地聖人之情應所感者萬物與人之情求句但言天地萬物不言聖人與人心者聖人即天地人亦萬物也蔡氏曰天地萬物之情感而必應應感之間情无所遁矣

傳二之一九六

十二字說音曰

恒久也剛上而柔下雷風相與巽而動剛柔皆應恒卦以

變卦象卦德卦體釋卦名卦自泰變初剛上四四柔下
初陽剛在上陰柔在下恒道也雷風天所以動撓萬物
者雷不恒有而風恒有與猶助也相與相應而相助也
上震象雷下巽象風二卦六畫皆相應是二者之相助
也無風之時有雷以為風之助無雷之時有風以為雷
之助二者不必同時皆有有無相資兩相補助則不恒
者恒矣內巽入而外震動剛柔無
一不相應凡此均為人物之常道 恒亨无咎 利貞久

于其道也

以下釋彖辭恒久之道可致亨則為无咎所
謂利貞者恒久於其所可恒之道也貞者

可以恒久之道也

天地之道恒久而不已也利有攸往終則有

始也

天地之道非以一定為可恒久以其變易相禪運
動不已也所以利有攸往者欲其終則復始如環

无端而後
可恒久也

日月得天而能久照四時變化而能久成聖

人久於其道而天下化成觀其所恒而天地萬物之情

可見矣

廣恒義天圓轉運行日月亦如之是謂得天故能恒久以照萬物溫涼寒暑之代謝變舊而化

新是謂變化故能恒久以成歲功聖人恒久於其可恒久之道故天下視效而化以成風俗王者必世而後仁此之謂也

傳二之二凡九十一字
撓乃教切禪時戰切

遯亨遯而亨也剛當位而應與時行也

以卦體釋彖辭剛當位以九五

言應謂應六二之陰時謂陰進陽退之時項氏曰遯本无亨之理遯而能亨者剛當位而能應柔隨時用權不與為敵故亨也爻得正為當位以正自居而以權應柔得遯遯之義如陳仲弓不忤中人能脫潁川於黨禍所

謂遯而亨也。澄謂彖辭遯亨為四陽言也。彖傳專言小九五者九五四陽之統得處遯之宜有致亨之道也。小

利貞浸而長也。

小者利於貞以其浸而長以消陽也。於斯時也君子其可以不遯乎。遯之

時義大矣哉。

君子於時當遯而遯其義甚大。當遯而不遯則失身而致禍矣。

傳二之三八三十九字長。知兩切註為四云偽切。

大壯大者壯也剛以動故壯。

以卦體卦德釋卦名。朱子曰以卦體言則陽長過中

大者壯也以卦德言則乾剛震動所以壯也。

大壯利貞大者正也正大而天

地之情可見矣。

釋彖辭利貞而又蒙卦名大壯二字者以見利貞為利於大者正主事也正主

事者出於陽剛故曰正大正者以陽之大而不以陰之小此天地之情也。

傳二之四凡二十
九字註長知兩切

晉進也明出地上

以卦象釋卦名明出地上

順而麗乎

大明柔進而上行是以康侯用錫馬蕃庶晝日三接也

以卦德卦變釋彖辭坤順之臣進而附麗於離明之君此釋康侯錫馬之義柔臣德也五君位也四近君卦自觀變六四之柔近君進而上行至五九五之剛下降居四而成離日猶朝貢之臣為天子所禮接此釋晝日三接之義

傳二之五凡三十
二字註朝音潮

明入地中明夷

以卦象釋卦名

內文明而外柔順以蒙大難文

王以之

以卦德申上文釋卦名之義內離文明外坤柔順蒙猶言冒犯也大難謂明而遭傷大釋明字

難釋夷字以猶用也文王為紂所囚內文明而不失已外柔順以免於禍是文王所用合於明夷全卦之義

利艱貞晦其明也

釋彖辭於艱難而正主事能晦其明者也

內難而能正其

志箕子以之

申上文釋彖辭之義內難釋艱字能正其志釋貞字內謂箕子為紂近親在其國內

難謂為坤暗所蔽而自晦正其志謂猶以離明主事箕子為紂所囚能晦其明而陽狂為奴是箕子所用合於

六五一爻之義

傳二之六凡三十
九字難乃旦切

家人女正位乎內男正位乎外男女正天地之大義也

以卦體釋彖辭彖辭止言女貞者以二體之主爻言也
彖傳兼言男正者通卦中之四畫言也女為正而位乎
內謂二與四也男為正而位乎外謂三與五也二內三
外在下者之家也无妄剛自外來而為主於內以三為
外初為內也四內五外在五上者之家也比六四外比之
以五為外四為內也男正於五三五為六畫卦之天三
為三畫卦之天女正於四二四為三畫卦
之地二為六畫卦之地故曰天地之大義

家人有嚴君
焉父母之謂也父父子子兄兄弟弟夫夫婦婦而家道

正正家而天下定矣

廣家人義家人之尊嚴者有君道父是也母配父曰小君其尊同故

皆稱嚴君上九居一卦最上之位象父母陽畫象父而亦象母者儀禮饋食篇妣配考同位不別設位也朱子曰上父初子五三夫四二婦五兄三弟以卦畫推之又有此象

傳二之七凡五
十五字食音嗣

睽火動而上澤動而下二女同居其志不同行

以卦象釋卦名

燎而麗于高上之處者火也流而渚于卑下之地者澤也故曰動而上動而下此二物之性睽異也居謂處父母家行謂嫁歸夫家婦人以嫁為行少則同處長則各有夫家故曰同居不同行此二女之志睽異也說

而麗乎明柔進而上行得中而應乎剛是以小事吉

以卦

德卦變卦體釋彖辭睽之時无所謂吉以能得在下之說而在上能麗乎明此其可吉者一也六五之柔自初而進上行至五柔不能振舉進而在上有勢位以臨下與退伏在下者不同此其可吉者二也得中則不太柔下應九二之剛資之以濟其弱此其可吉者三也然說而麗乎明者進而上行者得中而應剛者皆柔之為也

柔豈能成大事哉故其吉者小事而已

天地睽而其事同也男女睽而其

志通也萬物睽而其事類也

廣睽義程子曰天高地下其體睽也然陽降陰升相

合而成化育之事則同也男女異質睽也而相求之志則通也生物萬殊睽也而得天地之和稟陰陽之氣則相類也物雖異而理本同故天下之大羣生之衆睽散萬殊聖人為能同之乃合睽之道也睽之時

用大矣哉

項氏曰百官分職而治之則凡職皆治萬國分土而平之則凡土皆平若混而无分則皆

不治矣睽之有時而可用者謂此類也澄業項氏以睽之有時而用者為大程子則承上文而以合睽之用為大

傳二之八凡七十字說音
曰註處展呂切長知兩切

蹇難也險在前也見險而能止知矣哉

以卦德釋卦名難者謂行之難

也行之所以難者以有坎險在前也見險在外而能止於內如人之蹇跛不行也三四互離故能見二三四

互坎故有知

蹇利西南往得中也

以下釋彖辭以卦變言震初之剛上往易五而得上

卦之中故震四之剛得以下來易三而利於自西來南自南往西也

不利東北其道窮也

以卦體言初東也於艮山之阻為最在下上北也於坎水之險為最在外皆道路之窮處也

利見大

人往有功也

六二往見九五之大人則中正之君當位中正之臣得以相資而有濟蹇之功

貞吉以正邦也

九五當位者君之一身正也上下四畫當位者一國之人正也君能以其一身

之正而正一國所以吉也

蹇之時用大矣哉

蹇豈美事哉有時當見險而止則其用亦大也

傳二之九凡五十四字難
乃旦切知音智跋畢我切

解險以動動而免乎險解

以卦德釋卦名解者險難釋散之時也坎險在內震動在

外是動而出乎險之外得以脫免於危難也

解利西南往得衆也其來復吉

乃得中也有攸往夙吉往有功也

以卦變釋卦辭三南四西艮三之陽自南

往西而艮四之陰自西來南則下卦成坤體坤為衆艮陽往四而下臨坤三陰之衆故曰往得衆也此以艮三易四艮四易三而言也艮上之陽自外而來復反于下以易二乃得下卦之中故曰乃得中也此以艮上易二而言也艮二之陰自內而往以易上上當朝之位是蚤得成解難之功也故曰往有功也此以艮二易上而言也

天地解而雷雨作雷雨作而百果草木皆甲拆

廣解義天地之

氣冬而閉塞立春以後雨水驚蟄之節閉塞者解散而雷動雨降此天地冬而春之時也甲謂殼釋包裹未生之萌芽在內折謂逆開而生出也天地之氣既解散而當春雷雨則物之鬱結於地中者亦皆解散而生出也此萬物藏而解之時大矣哉時當屯塞則解散天下之生之時也解之時此其所以為大也

傳二之十凡五十九字

損損下益上其道上行

以卦變釋卦名泰卦損其下體之九三以益其上體之上六九

益六而居上其陽剛之道得以上行也

損而有孚元吉无咎可貞利有攸

往曷之用二簋可用享二簋應有時損剛益柔有時損

益盈虛與時偕行

釋彖辭有時者有其時謂當損之時也損剛益柔有時一句釋有孚元吉

无咎可貞利有攸往也謂所以孚所以吉所以无咎而可貞利者以損下之剛益上之柔適當其時也二蓋應有時一句釋曷之用二蓋可用享謂初二之應四五亦適當其時也損三之盈益上之虛已損者也損初二之盈益四五之虛方損者也已損方損皆損之於當損之時故曰與時偕行

傳二之十一
凡五十字

益損上益下民說无疆自上下下其道大光

以卦變釋卦名損否

之九四以益初六是損其上以益下也下之民受上之益則其說无窮極二三四互坤為民上巽為兌之倒體說者在下也陽自上體之四來初而下於下體二三之陰其陽剛之道為大而成卦肖離體之中虛則大而又

有光也

利有攸往中正有慶利涉大川木道乃行

以卦體卦象釋

彖辭二之中正往應五之中正陰陽會合而有慶也上體巽為木下體震動為行木之行動者舟行涉大川也

益動而巽日進无疆天施地生其益无方凡益之道與

時偕行

廣益義以卦德言人事之益人之動而能卑巽則日有進益无窮已也商書曰惟學遜志務時

敏厥修乃來是也又以卦變言天地之益乾之九四易初而下交於坤天之施也坤之初六易四而上達於乾地之生也天布施地發生萬物並育其增益衆多无有方所也凡益之道總言天地之於萬物人之於萬事其為增益者无時而止息所謂與時偕行也

傳二之十二凡五十七字說音曰施申志切

夬決也剛決柔也健而說決而和釋卦名而贊卦德之善雖以五陽決去一

陰然不可恃陽之盛而過於猛卦德內健而外說健說相濟而其決陰也無不及亦無過故和者無過不及

之中揚于王庭柔乘五剛也以下釋彖辭以卦體言所謂揚于王庭者言一柔乘

五剛之上也項氏曰上六揚于九五孚號有厲其危乃

光也九五能知比近陰柔為危不以其號呼求援而孚信之則陽明不為陰柔所點汚而陽德光矣是其

危者乃所告自邑不利即戎所尚乃窮也尚上也坤邑喪亡僅存一

民在上其所上於五陽者乃利有攸往剛長乃終也陽

將窮盡矣無衆何以即戎也剛之長至五然上畫猶有一陰則其長猶未終也九五

往前決去一陰則為純乾然後剛之長乃終畢也

傳二之十三凡五十二字說
音曰長知兩切註喪息浪切

姤遇也柔遇剛也

釋卦名

勿用取女不可與長也

釋彖辭程子曰

取女者欲長久而成家也一陰既生漸長而威漸盛之
陰將消勝於陽不可與之長久也凡女子小人勢苟處
於漸盛何天地相遇品物咸章也剛遇中正天下大行
可與久

也廣姤義上卦正體為乾二三四五體為乾天也初六
一陰坤之下畫地也四月為純乾之卦五月坤之一

陰始生於下而與乾遇故曰天地相遇斗建正南午位
盛夏之時萬物長盛而相見故曰品物咸章九五以陽

剛居中正之位故曰剛遇中正有德有位居尊臨下其
剛陽之道得行於天下故曰天下大行卦之一陰遇五

陽乃陰始生而消陽之卦然九五剛中正居尊位故彖
辭雖慮小者之始生而勢漸盛彖傳又喜大者之居尊

而道得行亦扶陽抑陰之意也

姤之時義大矣哉

程子曰天地不相遇則萬物不生君臣不

相遇則政治不興聖賢不相遇則道德不亨事物不相遇則功用不成姤之時義甚大也澄謂一陰之生雖微處斯時者宜有以豫待之其義大矣

傳二之十四凡四十一字註漸長長盛知兩切

萃聚也順以說剛中而應故聚也

以卦德卦體釋卦名在下者順在上者之

說已九五剛中而能得六二之應已皆陰萃而歸陽之義王假有廟致孝享也

以下釋象

辭致者至其極也極盡孝享之道乃能萃已散之精神也利見大人亨聚以正也

大

者能聚百嘉又能正主事也

用大牲吉利有攸往順天命也

物聚人聚而衆

多之時祭者宜威居者宜觀其所聚而天地萬物之情可
往此皆順天道之自然也
見矣
廣萃義徐氏幾曰天地萬物高下散殊感則見其
情之通恒則見其情之久聚則見其情之同不于
其聚而觀之情之一
者不可得而見矣

傳二之十五凡五
十六字說音曰

柔以時升

以卦體釋卦名萃之三柔在下反
易為升則三柔以時而升於上矣

巽而順剛

中而應是以大亨

以下釋彖辭以卦體言巽者一
柔巽於二剛也順者坤之三柔順於

二剛也剛中而應者九二剛中而六五之柔應之也初
六比而巽九二六五順而應九二六四順而比九三上
六應而順九三此二
剛之大所以亨也
用見大人勿恤有慶也
六五見九
二九二亦

升而應之陰陽相得而有慶也

南征吉志行也

以卦變言九三自初而升三其志得行也釋卦

名以二柔言釋彖辭三占則巽之順之應之見之者四柔也而大亨有慶志行皆為二剛而言也

傳二之十六凡三十字

困剛掩也

以卦體釋卦名謂三剛為三柔所掩所以困也

險以說困而不失其

所亨其唯君子乎

以下釋彖辭以卦德言險則困說則不失其所亨

貞大人吉

以剛中也

以卦變言剛自上來而居中為卦主此正主事之大人也

有言不信尚口

乃窮也

尚上也柔自二往上成兌口猶小人在上以口謗傷人者然居卦終窮極之地其言不實不足

以困人所上之口乃至於窮極而自困耳

傳二之十七凡三
十六字說音曰

巽乎水而上水井井養而不窮也

以卦象釋卦名養而不窮言井之功也

改邑不改井乃以剛中也

以卦變卦體釋彖辭初之剛往上得中而坤之邑改二之

剛在下得中而為井中之水者不改

汔至亦未繙井未有功也羸其瓶是

以凶也

往井之水未上出雖未有功而亦未凶來井之水既下漏則凶矣

傳二之十八
凡四十字

革水火相息二女同居其志不相得曰革

以卦象釋卦名息與熄通

滅熄也水熄火者也火又熄水故曰相息此變革其常也中少二女同居父母家其初同所自出曷嘗不相得

哉其後將有適志各有在則已日乃孚革而信之以下釋彖

改變其初而其志不相得矣

已日乃孚革而信之

以下釋彖

辭以卦變言巽再變而下卦成離為卦之主離納己故曰己日己者十日中半之後待此時而後革則謹審而

不輕遽故革

文明以說大亨以正

以卦德言六二卦主內蘊文明外應九五

而人信之

而九五說之下持美而效之君上樂取諸人以為善二之文明遂為五之文明矣文明以說則盡事理得人心

元大之德能致亨革而當其悔乃亡

以卦體言除九四一爻五畫剛柔皆

當位有所革各得其當之義使不當者亦當其悔乃亡也

天地革而四時成湯武革

命順乎天而應乎人

廣革義天地之溫熱涼寒生長收藏運相代謝而春夏秋冬之時成

湯武伐夏伐商變革二國所受之命順天革之時大矣之理而應人之望是二事變革之最大者

哉因上文而贊其時之大

傳二之十九凡六十三
字說音曰註少詩詔切

鼎象也以木巽火亨飪也聖人亨以享上帝而大亨以

養聖賢

以卦體卦象釋卦名象謂形之以卦體奇耦似鼎器足腹耳鉉之形此言鼎之體也以木巽火

謂巽內離外亨煮也飪熟也以巽木入于離火之內煮物而熟之此言鼎之用也以木巽火亨飪也七字為句蔡氏曰亨飪不過祭祀賓客二事而祭之大者上帝賓客之重者聖賢祀天尚質故止言亨養聖賢貴多故曰大亨朱子曰享帝用犢而已

養賢則饗殮牢禮當極其盛

巽而耳目聰明柔進而上

行得中而應乎剛是以元亨

以卦象卦變卦體釋彖辭上離為目六五為鼎之耳

中虛聰明之象卦自兌變兌三之柔進而上行為六五得上卦之中而應九二之剛聰明則非昏懦之巽上行則非卑下之柔應剛則非止柔中而已

卦有此三善所以為元而能致亨也

傳二之二十凡四十五字亨丕庚切

震亨震驚百里驚遠而懼邇也不喪匕鬯出可以守

宗廟社稷以為祭主也

釋彖辭不釋震亨者朱子謂震有亨道不待言也驚百里謂所

驚者遠也遠且驚則邇尤甚懼邇懼甚於驚也雷聲之近令人懼而執匕鬯以奉祭事者不以驚懼而有喪失其誠敬專一中有所守故可以出主宗廟社稷之祭堯之試舜取其烈風雷雨弗迷者蓋亦以是也出對處而言震為長子處之時則世子也出之時則嗣守宗廟社稷以主其祭程子曰誠敬之至威懼不能使之自失如

是而後可以守
世祀承國家也

傳二之二十一凡二十九字亨下舊本有震來
猷猷恐致福也笑言啞啞後有則也十六字今
案此因彖辭重出初九爻辭故後人於彖傳亦
重引初九象傳以釋之宜衍懼邇下舊本无不
喪亡咥咥氏曰王昭素案徐氏云出字上脫此
四字程子亦以為文脫而朱子從之今增補喪
息浪切註令來
丁切長知兩切

艮止也時止則止時行則行動靜不失其時其道光明

釋卦名時止謂定心之時時行謂應事之時動謂行靜
謂止不失謂常得所止其時謂時止時行之時此以止
字釋艮義而兼及行字者蓋人心无事之時則定有事
之時則應故曰時止則止時行則行豈可厭動好靜專

務外滅而內寂哉故其止而靜也固不失所止於斯時
其行而動也亦不失所止於斯時是謂動靜不失其時
也或止或行有時不同而不失所止無時不然也靜而
止不失其時內卦之止動而行不失其時外卦之止內
止固止外行亦止此釋重艮之義程子曰定
性者靜亦定動亦定張子曰定然後有光明

艮其背止

其所也上下敵應不相與也是以不獲其身行其庭不

見其人无咎也

釋彖辭止字釋艮字其所字釋背字謂止於其所也上下體應爻剛柔皆相敵

故初四不相應而不獲止其背之身三上不相應而不
見行其庭之人二止於內不與外應五止於外不與內
應皆兩各止其所故无咎也凡八純卦六爻皆敵相與
應而不相與獨於艮卦言之者以明內外各止其所之
義

傳二之二十二凡五十二字艮其背舊本
背作止鼎氏曰當依卦辭作背今從之

漸漸進也

釋卦名

女歸吉利貞進得位往有功也進以正

可以正邦也其位剛得中也止而巽動不窮也

以卦變卦體卦

德釋彖辭進得位往有功也釋女歸吉進謂進而求女
非以女歸為進也往謂男家之禮往女家漸卦以內卦
為男家外卦為女家否未變漸之時坤母在內男家之
母也乾父在外女家之父也坤五往四而成巽安乾四
來三而成艮男譬猶男家求昏而為父者有得位之女
女家既許昏而為母者有得位之男因此一進而男女
得位是其往為有功也進以正可以正邦也釋利貞進
以正謂三進四而二畫之往來者以正因三四往來之
正而初一五上亦正猶家既正而可以正國也三四象
二家之男女初二艮之二民五三巽之二君四畫象一

國之君民故曰邦二五當位固為正初上雖不當位亦得剛上柔下之正故曰正邦又以卦體申釋利貞之義言九五當位以剛得中而正故利於女家之正主事而歸其女者又以卦德申釋女歸吉之義言艮男止於內而巽女卑巽於外以入故其動不窮動謂女子有行釋歸字不窮謂不困厄釋吉字

傳三之二十三凡三十七字漸漸進也舊本作漸之進也朱子曰之字疑衍或是漸字澄案因寫下漸字作二遂謠為之女歸下舊本无利貞字有也字今從王肅本也

歸妹天地之大義也天地不交而萬物不興歸妹人之

終始也說以動所歸妹也

以卦體卦德釋卦名前二句以天地明歸妹之義興猶立

也五天也二地也六居五地上交於天也九居二天下交於地也六往上九來下是乾坤交而後萬物生為天

地之大義女歸於夫而有生育亦猶是也故以天地之大義明歸妹之義凡女必歸為人婦歸妹者為人之終為人婦之始說者女說其所行為婦始者因遣行之以終其為女因所說於婦而動之使歸焉是乃為所歸之妹

征凶位不當也无攸利柔乘剛也

以卦變卦體釋彖辭泰三往四

泰四來三位皆非正來與往皆不當故征行則凶二五亦位不當然占言征凶專指三四往來之畫而言也初九雖當位然柔居上剛居初為柔乘剛故亦无攸利諸家解柔乘剛指三五言此獨言上者在夫之彖傳上六柔乘五剛則上六乘初九亦是柔乘剛矣豈必比近而後為乘剛哉

傳二之二十四凡四十四字說音曰

豐大也明以動故豐

以卦德釋卦名但光明而不震動非盛大也不光明而但震動亦非

盛大王假之尚大也勿憂宜日中宜照天下也

釋彖辭不釋亨

字者豐大則必亨不待釋也尚上也大謂王也老子曰域中有四大王居其一此言諸侯之國而有王者至之是下之所上者乃天下至大之王也處豐之時固當憂而今勿憂者謂宜保持其盛大使長如日中之時而其明普照於天下則日中則昃月盈則食天地盈虛與時消則乃可不憂也

息而況於人乎況於鬼神乎

廣豐義食虧也因彖辭宜日中三字而推言之謂豐

无常豐之理豐者如天地之氣息極而盈則將漸消而虛矣朱子曰天地舉其全體而言鬼神指其中運動變化者而言物盛必衰雖鬼神不能為也常須謹守得日中時此邵子所謂酌盈而離披時也項氏曰日月有昃食天地之一盈一虛猶隨時而消息則形氣之運於其間者從可知矣人者形也鬼神者氣也人之智不免於死

生鬼神之靈不免於聚散則豐亦豈吾之所能常有言
此以足卦辭日中之義使知中者人之所當勉而畏亦
非人之所能為也

傳二之二十五凡五十字註令
來丁切醕名上聲酇丁上聲

旅柔得中乎外而順乎剛止而麗乎明是以小亨旅貞

吉也

以卦變卦德釋彖辭卦自否變坤之一柔自三往
五得外卦之中而順乎乾之二剛此以六五一爻

釋小亨也柔止於內而外附麗於明此以重卦二德釋
旅貞吉也小亨言上卦六五之旅旅貞吉言下卦九三

之旅之時義大矣哉

旅最難處處旅之時
其義難盡故曰大

傳二之二十六凡三十字柔得
中之上舊本有小亨二字衍

重巽以申命

釋卦名重巽巽下巽上也巽入也而象風申重也命號令也號令之入人如風之无

所不入故巽為號令重巽而亦名為巽者以象號令之中也蔡氏曰二剛示乎上而下一柔順之號令之象

剛巽乎中正而志行柔皆順乎剛是以小亨利有攸往

利見大人

以卦體釋彖辭剛巽乎中正九五也三剛同之二柔順之而九五之志得行也柔謂初四

剛謂二五小謂柔也大人二五也二柔皆順剛故小者亨而小者在下利於上往以見二五之大人也

傳二之二十
七凡三十

兌說也

釋卦名

剛中而柔外說以利貞是以順乎天而應

乎人

以卦體釋彖辭剛中謂二五能得民之說而不言亨者致之而有餘也但言說而亨在其中矣柔外

謂三上為民而說以從君必利貞者防其所不足也三上天位也而柔處之順乎天之理也二五人位也而剛處之中實能應乎人之心也說以先民民忘其勞說以犯難民忘其

死說之大民勸矣哉

廣允義先民謂君率其民犯難謂民救其君說之大猶言說之至極

民勸謂忘其勞忘其死也

傳二之二十八凡四十四字說音曰先悉薦切難乃旦切

渙亨剛來而不窮柔得位乎外而上同

釋彖辭二五剛中故能致亨以

卦變言剛自四來居二而不居初是得中而不居窮極之處柔自二往四得位於外卦而上同於九五之剛中也
王假有廟王乃在中也
以卦體言九五互艮上畫為廟九居五是王乃在宗廟之中

利涉大川乘木有功也

以卦象言巽為木乘木於坎水之上有功者謂利也利貞不待

釋

傳二之二十九

凡三十三字

節亨剛柔分而剛得中

釋彖辭致亨者九五剛中也以卦變言坤之三柔分其一為六

三乾之三剛分其一為九五而得上卦之中也

苦節不可貞其道窮也說以行

險當位以節中正以通

上六之苦而不可貞者居節之終節道已窮也六三之說行乎

坎險之內六四之當位節於允澤之上九五位中正似此三爻之節皆節之通者非若上六之窮此又以卦德

卦體言三爻之善而證苦節不可貞之義蓋六三之說六四之柔居柔九五之中正皆非如上六之過而苦也

天地節而四時成節以制度不傷財不害民

廣節義天地之運渾

然無迹聖人裁成其限節定為二分二至及二十四氣而四時以之成又以限節制為長短大小之度則用財取民俱有定限而所用不至於傷財所取不至於害民也

傳二之三十凡四十七字說音曰

中孚柔在內而剛得中說而巽孚乃化邦也

以卦體卦名

柔謂三四剛謂二五三四二柔在二五之內而二五二剛得上下之中此以卦體釋中孚二五中實能孚於三四而三能說四能巽以孚於二五是二五之孚能化一國之民而使之孚也邦指三四二民而言此以卦體釋孚豚魚吉信及豚魚也

以下釋彖辭信及豚魚

利涉大

川乘木舟虛也

乘木言巽木在兌澤之上舟虛言全卦之形象

中孚以利貞乃

應乎天也

天謂九五九乾畫也五九位也六四得正而孚應於中正之九五故曰應乎天

傳二之三十一凡四十二字說音曰

小過小者過而亨也過以利貞與時行也

以卦體釋卦名及彖辭小

者過而得亨矣又過而利於貞陰柔過盛小者方得時也故曰與時行也

柔得中是以可小

事也剛失位而不中是以不可大事也

二五之柔得中陰柔小人得時

也然小人可以為小事而已為大事者必陽剛君子而後能三四之剛不中而四又失位則陽剛不得志矣是以不可為有飛鳥之象焉飛鳥遺之音不宜上宜下大

吉上逆而下順也

卦體有飛鳥之象不宜上進但宜下退然後陽剛之大可以避禍全身而

吉方陰強陽弱之時上進則是逆時下退乃為順時也此卦四陰強盛太過二陽衰弱不及彖辭小過亨利貞可小事之吉為陰柔小人之強盛而過者言也不可大事不宜上宜下大吉之占為陽剛君子之衰弱不及者言也傳所謂與時行柔得中著小人之得時也所謂剛失位不中上逆而下順傷君子之不得時也程子曰有飛鳥之象焉一句蓋解者之辭誤入彖中

傳二之三十一凡六十二字可小事舊本作小事吉項氏曰脫可字義吉字石經云是以可小事也沙隨程氏亦云然今從之

既濟亨小者亨也

以卦體釋彖辭小謂六二或謂既濟亨之下又當有一小字

利貞

剛柔正而位當也

利貞亦謂六二利於正主事蓋與九五剛柔正相應而又當其位當位之

柔得在上當位之剛為應固有助矣而初四三上之剛柔亦皆正而當位則是時俗之美易於撫御此正主事

者之所以吉也 初吉柔得中也 以上三占皆以卦主六二言

終止則亂其道

窮也

六十四卦之中三陰三陽皆得位者既濟一卦也然彖傳惟釋利貞兼取三剛三柔而言釋亨釋初

吉釋終亂皆專以柔而言者柔為卦主也柔者為主固非能濟之才然六二當時位之得中猶可以亨及至上六當終而窮極之時則力弱不能行而止於此矣豈復能出險哉程子曰濟之終不進而止衰亂至矣蓋其道已窮極也時極道窮必變惟聖人能通其變於未窮故有終而无亂

傳二之三十
三凡三十字

未濟亨柔得中也

以卦體釋彖辭柔得中謂六五既濟未濟二卦剛柔適均而亨之占皆以

柔言何也二爻剛雖得中而陷於陰中故唯得中之柔麗乎文明者能致亨也

小狐汔濟未出

中也濡其尾无攸利不續終也


原本闕

能至終而登于岸故无所利也

雖不當位剛柔應也

又以卦之二體申釋彖義言汔濟濡尾无攸利者以六畫皆不當位然能致亨者以六畫剛柔皆相應也六五之柔中得九二之剛中為應所以能致亨也項氏曰既濟三剛三柔皆正然剛柔正而位當則謂六二九五剛柔正應而又當位也若泛言則失彖義未濟六爻皆不當位其曰雖不當位亦指二五言之剛柔應者覆解亨字雖无攸利用其柔中以與剛應自有致亨之理

傳二之三十四
凡三十三字



易纂言卷四

欽定四庫全書

經部

易纂言卷五

詳校官內閣學士臣瑞保

通政使司副使臣莫瞻菴覆勘

總校官檢討臣何思鈞

校對官編修臣朱攸

謄錄監生臣王冠成

欽定四庫全書

易纂言卷五

元 吳澄 撰

象上傳

象者文王所立六十四重卦之名象傳者夫子為釋文王之卦名而作也象獸名象

其形而為字因假借其字為物形肖似之稱凡虎兕鹿兔馬牛羊犬等字皆象其形也而肖似之義獨於象字取之者象為極南之獸中土所无惟觀圖畫而想見其形由是圖寫物形之肖似謂之象又王重卦之名象上下一體則謂八卦之畫為象此傳釋重卦之名故曰象傳卦名之下言卦之用夫子所以推廣卦畫卦名之象也既釋文王所名

各卦二體之象而并釋周公所繫各卦六爻之辭焉或乃指爻辭為象誤矣其以釋卦名者為大象

釋爻辭者為小象亦非也

天行

此釋乾下乾上也乾之畫象天上下二乾者二天也天一而已安得有二故曰天行天之行一日繞

地一匝一天自西而下降一天又自東而上升是二乾為天行之象朱子曰昨日行一天也今日行又一天也

其實一天而健此仍義皇八卦之名而為重卦之名當行不已也健曰乾而曰健健即乾也陽之性健而成

象之火者天也故義皇以三畫純陽之卦為乾其德為健而象天因而重之下上皆乾則象天之行一日一周

健而又健者也故文王亦名之為乾以卦德易卦名者以其居六十四卦之首故特異其辭以別於他卦如春

秋首年不曰一年而曰元年君子以自彊不息以君子者首月不曰一月而曰正月也君子以自彊不息以君子者

生知學知在上在下之通稱其以位言則於古曰先王
於今日后曰上曰大人而先王大人則兼以德言也以
者用也言人觀此卦之象而用之以治身治世也自強
能如重乾之健則能不息也自強謂內有所主中立不
倚不息謂終始如一
潛龍勿用陽在下也
陽釋龍在下釋
潛龍之潛如大

入之隱於卑下未出用世故
得此占者亦不可用事也
見龍在田德施普也
龍見

田如大人之已出見於世雖未
為君而其德之所施已普矣
終日乾乾反復道也
反

道釋乾乾以學言之也行道已竟又還反以復于已
行之道而再行如初一乾既終一乾又始之象也
或

躍在淵進无咎也
未可躍則在淵既可躍則自淵躍出
以上于天如是而進是能審其可故

其進
飛龍在天大人造也
造猶作也作謂起也大
无咎人起而居天子之位也亢龍

有悔盈不可久也

為君位不可更過也過乎君位則為盈水盈則必溢而不可以久大人

能知進退則不至於盈也用九天德不可為首也

乾之德剛健中正則不過於剛正

則不偏於剛用九者純剛俱變為柔蓋以柔濟剛而不過不偏也是為天德不可以純剛居上故曰不可為首

傳三之一凡六十八字施申志切註別必列切稱昌證切離力至切竟音敬

地勢

此釋坤下坤上也坤之畫象地上下二坤者二地也地一而已要得有二故曰地勢地之勢有下有

高下一級一地也高一級又坤此仍義皇八卦之名而一地也是二坤為地勢之象坤為重卦之名坤者順也

陰之性順而成形之大者也故義皇以三畫純陰之卦為坤其德為順而象地因而重之上下皆坤則象地

之勢有下有高順而又順君子以厚德載物厚德能如重坤之厚

者也故文王亦名之為坤

則能載物也厚謂不薄德之數
處无一物而不容受承藉之也
初六履霜陰始凝也

致其道至堅冰也

馴如馬之馴其行徐徐而至
馴致釋至謂其至以漸也

六二之

動直以方也不習无不利地道光也

六二又義施於人
市之動則如坤道

之直以方其大不重習其占
无所不利者地道之光顯也

含章可貞以時發也或從

王事知光大也

程子曰義所當為則以時而發非含藏
終不為也或從王事而能无成有終者

是其知之光大也澄
謂柔變為剛故云大

括囊无咎慎不害也

慎釋括囊不
害釋无咎

黃裳元吉文在中也

朱子曰文在中
而見於外也

龍戰于野其道窮

也柔居下為宜至于上
則其道已窮極也

用六永貞以大終也

坤六畫皆
柔小也用

六者純柔俱變為剛是始小而終則大故曰以大終

傳三之二凡九十一字初六履霜舊本作履霜堅冰令依魏志所引知音智註藉齊夜切見賢

遍切

雲雷

此釋震下坎上也震之畫象雷坎之畫在天象雲雨在地象水泉水氣自地而上升于天則為雲故

象雲者坎在上卦也水氣自天下降于地則為雨故象雨者坎在下卦也屯者鬱結未解之時雲升于上而雷動于下未能成雨則鬱結而屯及雷動于上雨降于下則屯之鬱結解矣故上雷下雨之卦名為解而上雲下君子以經綸經綸皆治絲之事治世雷之卦名為屯也君子以經綸亦曰經綸者治世猶治絲也君子治世猶治絲而欲解其紛亂亦猶屯之時必欲解其鬱結也經者先總其緒為一而後分之象雲之

自一而分綸者先理其緒為二而後合之象雷之自二而合也雖磐桓志行正也以貴

下賤大得民也

志行正因爻辭居貞而廣其義居則不行行則不居初以陽剛之才雖磐桓未

可進其志固在於得行而貞也居而貞非其志也大得民釋爻辭建侯大謂陽也民謂二陰屯自艮而變初剛

自三來初以陽之貴下於二陰之六二之難乘剛也十賤大者為君而得二民之歸嚮也

年乃字反常也

剛謂初也反復也程子曰六二乘剛為剛陽所逼是其患難也至於十年則難

久必通矣乃得反其常與正應合也

即鹿无虞以從禽也君子舍之往吝

窮也

程子曰无虞而即鹿以有從禽之心也君子則舍之若往則吝而窮困也求而往明也

初九能求六四而自內往外以屯其膏施未光也

程子曰膏

澤不下足其德施未能光也

泣血漣如何可長也

程子曰此難窮極如此其能長久乎

傳三之三凡七十三字難乃旦切舍音捨施申志切註解音蟹欲解如字

山下出泉

此釋坎下艮上也艮之畫象山兩山之間流而為川者人所可見之水一山之下出而為

泉者人所不見之水山下謂山腹之下非山麓之側也後凡言山下者皆同

蒙

此重卦之名蒙猶人之童

穉也泉之初出潛伏山下未達于外不污不滑亦猶人之童穉良知良能蘊蓄於內未為外誘所污滑者故山下出泉之卦

君子以果行育德

果行象出泉育德象山下行謂身之所行德謂

名為蒙也

心之所得君子之動也勇於義以果毅其行象內泉之涓滴而決瀆其流於外也君子之靜也主於敬以養育其德象外山之包藏而渟涵其源於內也徐氏幾曰蒙未有所適體坎之剛中以果其行而達之蒙未有所害

體山之靜止以利用刑人以正法也刑人者正其法子

克家剛柔接也接謂交際五之柔與二之剛接勿用取

女行不慎也行不謹慎謂困蒙之吝獨遠實也陽實陰虛獨遠

實者言獨遠於陽也項氏曰初三近九二近上九三五皆與陽應唯六四所此所應无非陰在六爻中獨為

无陽童蒙之吉順以巽也順以巽謂六五柔順以卑巽

變剛成利用禦寇上下順也因其為寇禦而止之上之

下之順也五坤之下畫為下順上

九變為柔得坤之上畫為上順

傳三之四凡五十九字行不慎舊本慎作順朱子曰順慎古字通用荀子順墨作慎墨作慎於

經意元切今從之行下孟切下同遠于顧
切注汚音烏滑音骨亭音亭遠於陽如字

雲于天

此釋乾下坎上也坎在上卦象雲

需

此重卦

者待也雲上于天雖未成雨而雨可待矣故卦名為需

君子以飲食宴樂

君子之需待安分樂

天以俟時而已渚時舉問屯需皆陰陽未成雨之象然
屯言經綸需言飲食宴樂者何也朱子曰屯之時齟齬
艱難故曰經綸需是緩意他无所致力其義不同又曰
事之常需者但飲食宴樂以俟其自至一有所為則
非需也程子曰雲方上於天而未成雨猶君子蓄其才
德而未施於用也觀需雨之象懷其道以待時飲食宴
樂所謂居易俟命也蓋謂飲食者非謂醉醲飽鮮以奉
己各因其自養之素如夫子之飲水蔬食顏子之一簞
一瓢皆飲食也安者身安而他无所營作樂者心愉而
他无所謀慮也飲食則素其位而宴樂則不願乎外也

飲食於上坎取象與樂於下乾取象坎為酒飲也坎下一畫連乾上中二畫成兌食也乾陽之性上進而來居於內有宴以安其身之象乾純陽陽舒為樂樂天不憂有樂以愉其心之象

需于郊不犯難

行也利用恒无咎未失常也

程子曰不冒犯險難而行復宜安處不失其常雖不

進而志動者不能常也安靜自守志雖有須而恬然若將終身焉乃用常也

需于沙衍在中

也雖小有言以吉終也

衍者下平之地雖水所可反然猶在內卦之中則未至於水也

小者得此占始雖有言語之傷而終於吉若人者得之則始亦无言始終皆吉也

需于泥災在

外也自我致寇敬慎不敗也

朱子曰外謂外卦占得此雖若不吉然能敬慎處之

得其道亦可不凶或失其剛正之德又无堅忍之志則不能不敗矣需于血順以聽也

六

四柔順以聽從於九五也聽取坎耳之義酒食貞吉以中正也

程子曰需於酒食而貞吉

者以五得不速之客來敬之終吉雖不當位未大失也

需上卦三爻皆當位下卦三陽初三皆當位雖有九二一文不當位然剛而得中不以居陰位而失陽剛之道未也天謂陽剛也未大失者於陽剛之道未為失也故下之三陽皆上六之所當敬

傳三之五凡九十二字樂音洛難乃旦切
注居易以鼓切疏食音似復宜扶豆切

天與水違行此釋坎下乾上也水行而下天行訟此重

名訟者乎辯也人情相順簡則无事相背戾則有乎人情背戾若天水之相違乎訟所由起也故卦名為訟

君子以作事謀始人情有始順嚮而終背戾者當順嚮之時始謀不能深遠輕信苟交及終

而月庚必生訟矣君子知其然凡所作事謀於其始不輕信不苟交事事謹審絕訟端於始則他日訟无由興作事坎象謀始乾象坎水流行如有事作為乾知大始能說諸心如始謀之高不可及不永所事

訟不可長也雖小有言其辯明也

訟不可長猶承傳言訟不可成小者柔弱

始雖受人訛毀其終也辯折既明則其言息矣所以吉也

不克訟歸逋竄也自下訟

上患至掇也

項氏曰上兩句皆是爻辭下兩句方是象傳如需之上六象傳句法朱子曰掇自取

也程子曰自下而訟其上義乖勢屈禍患之至猶掇拾而取之也

食舊德從上吉也

上食

之德者從乎上也項氏曰此從字與從王事從字不同復即命渝安貞不失也

子程

曰能如是則

訟元吉以中正也

元之吉者以其中正也

以訟受服

亦不足敬也

程氏曰謂其受服為可鄙

傳三之六凡七十七字竄于斷切按端奪切注背音佩

地中有水

此釋坎下坤上也地猶人之肌肉水猶人之血脉地中有水猶人肌肉中有血脉灌注之

也師

此重卦之名師者衆也以地之至廣而水之灌注无不周徧猶人之至衆而將之統御无不管攝也

故卦名

君子以容民畜衆

水之周徧能容土質故所畜者廣君之寬弘能容其民故

為師

所畜者衆衆者民之多言非止一民也能容民所以能畜衆也項氏曰地之能固以其中有水也水所以畜地

君子之於民也浸潤之道深入乎其中所以能涵蓄萬衆而不分也容畜屬坎民衆屬坤或謂有陽畫則陰為

民民蓋坎之二柔容民言內卦坤為衆畜衆言外卦也澄祭臨之容係民觀之觀民民皆指坤而言師出

以律失律凶也

當聽律聲不吉則止
違律而行必取喪敗

在師中吉承天寵

也王三錫命懷萬邦也

方伯為諸侯之長得專征伐有
功而受三錫之寵萬邦諸侯見

之知有功必賞則
无不懷德者矣

師或輿尸大元功也

大謂陽指九二
也輿尸之敗雖

在六三然九二為主帥偏裨之喪師即主帥之元功故
曰大元功也城濮之戰楚左師右師敗唯子玉之中軍

不敗然子玉帥也故
敗師之罪子玉當之

左次无咎未失常也

程子曰見可
而進知難而

退師之常也如四退次
乃得其宜故未為失也

長子帥師以中行也弟子輿尸

使不當也

程子曰二以中德受任以行若復使
其餘是任使之不當也其凶宜矣

大君有

命以正功也小人勿用必亂邦也

大君有開國承家之
命者以此恩賞正軍

旅之功也受此賞者必有位之君子或大夫有功而命之為諸侯或士有功而命之為大夫皆非小人无位者所得與故小人得此占則勿用蓋諸侯為一邦之君大夫為一邦之臣使之治其邦也若以小人為之則上之所命非其人下之所處非其據不能治其邦必至亂其邦矣

傳三之七凡八十四字長知兩切往
息浪切復使符后切得與音預

地上有水

此釋坤下坎上也

此重卦之名相比而无間者莫如地上之有水故卦名為比

先王以建萬國親諸侯

太古之時凡是立法定制世守不變之事則稱先王坤為衆為

土萬國象地諸侯布其上象水震為諸侯坎之一君統二民與震同也先王知民之不可无所比也故分土分民建為萬國各以君治之故有諸侯諸侯為父母而子其民則萬國之民各親其君如父母君民之情一體无間

如水地之相親比也國分為萬者以比之初六有他吉

民之多也侯曰諸侯者非止一君也

也所有他者无比之自內不自失也失中謂已也六二不自

比之者自內而始未有內不相比之匪人不亦傷乎雖

觀比而能使外人相親比者也

中正者比之然已不中正非人外比於賢以從上也賢

也必自取凶禍不亦可傷矣乎

而在四之上比於賢謂賢者顯比之吉位正中也舍逆

比之也從上四順從九五也

取順失前禽也邑人不誠上使中也九五之位得正得

中禽之逆我而去

者舍之順我而來者取之不誠者上之使比之无首无

民合於中道聽其自順不强其必從也

所終也入之无首下畫皆順從惟上畫在卦終而逆命

卦之无
所終也

傳三之八凡七十八字
舍音捨註開居限切

風行天上

此釋乾下巽上也巽之畫在天象風在地象木天无處不在无所謂上下也天上者遠非

人目力所及者而風上行焉

小畜

此重卦之名風者陽包陰在内陰少乎陽又行乎天上則既有包陰

之陽在其外又有天之陽在其内内外之陽甚多所包畜之陰甚少故卦名小畜

君子以懿文

德懿美也

如仲山甫之懿德柔嘉維則今儀令色小心翼翼也文如柔來文剛剛上文柔之文懿象巽之一

陰德象乾之三陽風行天上其所以畜者風中之一陰甚少也然中一陰而内外陽有雄卦文明之體以一柔

而文五剛君子之以懿而文其德者象之項氏曰懿者小德之名君子以小德而文大德雖不若前言往行啓

發培灌之多然而和氣愉色婉容
今辭所以輔成其德者不可廢也
復自道其義吉也

已所獨應之陰則不徇人欲之
私而合天理之宜所以吉也
牽復在中亦不自失也

五陽共畜一陰私於陰則為自失
矣二為初所牽連而復者以其在下
卦之中故雖居柔

而亦不自失也
夫妻反目不能正室也
非正應而欲以四為妻
不能正室家之道也其

反目也
宜哉
有孚惕出上合志也
出外而上與
九五合志也
有孚攣如不

獨富也
其富而與四共之也
有
既雨既處得積載也君

子征凶有所疑也
此上九之剛為柔孚六四之柔得載矣
此柔能勝剛之時也有所疑者疑君

子之不可有行也
象傳例上舉爻辭下文有所疑也
既雨既處得積載也如訟卦九二
象傳例上舉爻辭下文有所疑也
四字乃并釋其義

傳三之九凡六十九字得積載舊本
得作德因經文誤而誤也往舍音捨

上天下澤

此釋兌下乾上也兌之畫象澤卑下之履重

卦之名履謂足之所踐也地之上有天
下有澤人在其中履也故卦名為履
君子以辨上下

定民志

辨謂分別也天不可以為澤澤不可以為天
人有上下之分亦猶是也分別上下之分以示

民則民之志有定而无僭踰上象乾天下象兌澤辨象
互離在中民象互離中之一柔定象一柔處二剛介乎上
下履二承四上不至九五上九之天下不至初九地下
之澤也程子曰古之時公卿大夫位各稱德士修其學
學至而君求之農工商賈勤其事而所享有有限故皆
有定志後世自庶士至公卿日志于尊榮農工商賈
日志于富侈億兆之心交騖於利天下紛然如之何其
可一君子觀履之象而分辨上下使各當其分以定民

之志也 素履之往獨行願也 以獨行其志為願 幽人貞吉

中不自亂也 范氏大性曰剛中故不 眇能視不足以有

明也跛能履不足以與行也啞人之凶位不當也武人

為于大君志剛也 目之眇者雖猶能視豈能如不眇者

不跛者之行乎項氏曰眇跛六之柔也能視能履三之

剛也程子曰陰柔之人其才不足視不能明行不能遠

以柔居三履非其正其能免於害乎所以被啞而凶也

澄案剛謂上九六三欲為大君效力志在從上九之剛

也志剛如咸卦 愬愬終吉志行也 畏懼禍害而終獲其

象傳言志未 夬履貞厲位正當也

位正而當所處必得其宜不至於

彖傳所謂不疚光明足以見九五之善矣又安有貞厲之事哉元吉在上大有慶也謂陽剛元德之人終喪盡禮所以吉也大釋元有慶釋吉

傳三之十凡八十八字注別彼列切分扶問切稱充證切賈音古驚榮慈切

天地交

此釋乾下坤上也天在上而其氣下降以交乎地地在下而其氣上騰以交乎天泰重

卦之名泰者流通无滯也天地之氣交而上下流通故卦名為泰后以財成天地之道

輔相天地之宜以左右民

后君也天子諸侯之通稱此所謂天子也財裁通乾陽不

可以无陰坤陰不可以无陽必二氣交通於上下而後為泰入君參贊於其中亦必有以交通之而後能納民於泰也渾然而全者天地之道則自其全者裁制而成之以品分大德之一本截然而分者天地之宜則因其

分者輔助而相之以曲全小德之萬殊全者分之分者全之亦交而通之之意民者坤也左右之者乾也坤上

者民之情達於上乾下者左之右之

之德至於下也此君民之交通也

也

在外謂應四蔡氏曰應陰陰為民君子在內則思澤乎民

包荒得尚于中行以光

大也

項氏曰泰之所以成泰者以九二六五上下相交也程子曰言如此則其道光明顯大也

无往

不復天地際也

徐氏幾曰乾坤相遇之際泰翩翩不富否反復之機在此可不戒哉

皆失實也不戒以孚中心願也

失謂不得四翩翩向下雖不富而其鄰肯從之

者蓋三陰皆不得陽而欲下求也不待期約而以其相孚之人同下蓋二陰亦下求陽各出於其中心之所願

以祉元吉中以行願也

謂柔得中而行歸以應剛者乃其心之所願欲也

城復

于隍其命亂也

秦極而否治極而亂矣程子曰雖其命之亂不可止也

傳三之十一凡八十二字相息亮切左右去聲

天地不交

此釋坤下乾上也地不交天而氣不交而上下隔絕故卦名為否君子以儉德辟難不可榮

者開塞不通也天地之氣不交而上下隔絕故卦名為否君子以儉德辟難不可榮

以祿

上下隔絕之時君子惟當在下以儉約為德而避

安處下坤而此不交乎上不可榮以祿者遠絕上乾使

復不能以交乎下蓋法天地不交之象也儉德者守坤

之儉嗇避難者就坤之平順祿者天祿不可榮者不居

乾之崇高儉與奢對陰虛而貧則儉陽實而富則奢榮

與辱對天尊而貴則榮地卑而賤則辱否之時寧貧毋

富寧賤毋貴故居儉而辭榮也項氏曰儉德避難不與

害交也不可榮以祿不與利交也不可
榮者言不可得而榮非戒其不可也
拔茅貞吉志在

君也

泰初九應六四六四陰也民也初之陽志在澤民
不獨善其身而魚濟天下故曰志在外否初六應

九四九四陽也君也初之陰志在承君
不自植私黨而同仕公朝故曰志在君
大人否亨不亂

羣也

程子曰大人於否之時守其
正節不雜亂於小人之羣類
包羞位不當也
位不當者

不得其
正也

有命无咎志行也

謂其濟否之
志得以行也

大人之吉位正

當也

程子曰有大人之德而得至尊之正位故能休天
下之否足以吉也无其位則雖有其道將何為乎

故聖人之位
謂之大寶

否終則傾何可長也

程子曰否終則必傾
豈有長否之理

傳三之十二凡六十二字
二切難乃旦切注遠于院切
辟皮

天與火

此釋離下乾上也離之畫在地象火而在天象電象曰天在上而火之性亦炎上天與之同故

曰天同人

此重卦之名在上之天與炎上之火同人之相同者亦如天與火之相同故卦名同人

君子以類族辨物

天之所生各族殊分法乾覆之无私者於殊分之族而類聚其所同異中

之同也火之所及凡物均照法離明之有別者於均照之物而辨析其所異同中之異也族言人物言動植之

屬

出門同人又誰咎也

又誰咎者又誰得而咎之也

同人于宗吝道

也

所同者私狹而不公廣其道為可吝也

伏戎于莽敵剛也三歲不興安

行也

項氏曰言敵剛恐人誤以為攻二也程子曰所敵者五既剛且正其可奪乎故畏憚伏藏至於三歲

不興終安能行乎

乘其墉義弗克也其吉則困而反則也

項氏曰恐

人以弗克攻為力之弱故釋之曰義弗克也又曰困而反則也澄謂九四之力敵五則不足攻二則有餘其弗克攻者知義之不可而止故云義弗克非力弗克也困謂於義不通也程子曰以其義之弗克困窮而反於法則也二者衆陽所同欲獨三四有爭奪者二又居二五之間也三以剛居剛故終其強而不能反四以剛居柔故有困而能反之義能反則吉矣

同人之先以中直也大師相遇言相

克也

直即正也六二於先而號咷者以中正遠同中正之九五不肯近同強暴之九三故也及九五用大

師而後二與五得相遇者言九三欲克五奪二不能敵九五之大師而始受克於五也九三先欲克五九五後乃克三故

同人于郊志未得也

天可同之人故志未得

傳三之十三凡八十字注別彼列切

火在天上

此釋乾下離上也火之體隱而不見麗於物以爲體者昔燧人氏之世有火麗空而明蓋

火見其體於空中也火在天上大有卦此重卦之名爻王名

工者火見其體於天之上也大有卦凡曰大者皆謂陽剛矣子大象則取大小之義唯天爲火在天成象者不

一火在天上則皆能照及是火之所照者大而多有也與在地之火所照不遠於君子以遏惡揚善順天休命

寡少者不同故卦名大有火之所照能分別善惡而天道福善故於善人則必福

之以休美之命君子既能如離火之分別善惡矣而惡者則抑遏之善者則舉揚之所以順上天福善之休命

也分善惡屬離休命屬乾遏揚又屬乾順必屬離火之別淑慝蓋以順天之所休天之有禍福蓋以遏揚

火之所照命言休而不言咎者遏惡亦以揚善也大有初九无交害也

言因无交而有害也

大車以載積中不败也

車大則能

勝重載故載雖多積於中而車行
不至於敗占之所以往无咎也
公用亨于天子小人

害也

小人得此占則不利也

匪其彭无咎明辨晬也

以離明辨別事理而能照

晰故知盈滿之戒而不處其盛也朱子曰哲明貌

厥孚交如信以發志也威如

之吉易而无備也

孚信於九二賴其剛以啓發已之志故不過於柔而威嚴可畏也威如而

後吉者蓋居尊不可太柔太柔則人將易之而无畏備之心也大有上吉自天祐也

天錫

之祐謂君至大有之上其占所以吉者蓋居上應天是自天而祐之也

傳三之十四凡七十九字皆先的切處敝吕切易以致切

地中有山

此釋艮下坤上也

闕

謙

此重卦之名劉表曰謙之道降已升

入者也澄謂山之高而降之以居卑地之下地之卑而升之以居高山之上有如降已升人之謙故卦名為謙

君子以裒多益寡稱物平施

山在地中則高者降而下卑者升而上一降一升而

高卑適平矣物之多者裒取而使之寡猶降山之高而使

使之卑也物之寡者增益而使之多猶升地之卑而使

之多寡也一裒一益而多寡適平矣稱物平施謂稱量物之多寡而損益之然後所施均平而多者不偏多寡者

不偏寡也謙謙君子卑以自牧也牧如牧牛之牧常常看顧不令亡失也程子曰自牧

自處也鳴謙貞吉中心得也而外發為聲也勞謙君子萬

民服也功勞及於天下之萬民而退讓不居宜其民之心服也萬民服謂有終而吉也萬民以卦之五

陰言陰為民萬者極言其數之多也以一
卦則五數為至多以天下則萬數為至多
无不利為謙

不違則也

既无不利矣而又揭示其謙於下不違於利
謙之則也則謂理之當然可以為法者利

用侵伐征不服也

不服謂上六上六應九三而居六五
之上有三陵五之象然體順質柔

非強抗跋扈也但謙之時无有不附雖九三之大功亦
止於下小大怙然獨上六自尊高而不屈下斯為不服

之人耳如此則上六之罪不可以不侵伐而往正之蓋
以五柔順得中之君人之視之易失之慢易若不略振

威武則不及而非中矣然其侵伐也非進兵求勝也彼
能服罪則已矣往正其罪有征无戰故曰征不服也

鳴謙志未得也可用行師征邑國也

上六之志常欲自
伸而不肯下人其

鳴謙於九三也畏其勲勞之大權勢之重不得已而然
故曰志未得也其於六五之君也蓋如邑國之臣自為

尊高而不入王朝故用師征之而可傳曰一不朝則貶其爵再不朝則削其地三不朝則六師移之此先王行師征邑國之制也

傳三之十五凡八十八字裏蒲侯切稱尺證切施中志切註稱量並平聲慢易以鼓切

雷出地奮

此釋坤下震上也雷者地之陽氣薄於險而有聲方陽氣之消而始生也則此氣在於地

中伏藏而无聲雷在地中是也及陽氣之長而既盛也則此氣出於地上奮發而有聲雷出地奮是也豫此重卦之名豫者和緩悅樂之意陽氣伏藏於地久矣一旦發聲不急遽不慘戚故卦名為豫先王以

作樂崇德殷薦之上帝以配祖考

凡作樂者以象其德也周之世德卑順抑

畏不務表顯既得天下之後作樂以象之然後昔之遵晦自卑者今見其崇頌氏曰崇德猶章德也登謂樂聲

之發象雷周德之平順象地殷盛大也上帝即天也饗
燕朝會祭祀皆用樂而其最盛者則以薦之上帝而又
以祖考配也謂冬至祀天於南郊而以祖后稷配季秋
祀帝於明堂而以考文王配也上帝象上卦之震祖考
象下卦之坤樂指九四一陽而言五上皆天也上者郊
外所祀之天五者廟中所祀之天三祖也二考也初者
武王之德也初與四為正應初六之德章於九四之樂
聲則卑者升而崇二三與五上為敵應二三之祖考
以薦九四之樂而初六鳴豫志窮凶也小人之志窮極
於其所喜樂也
朱子曰窮不終日貞吉以中正也以其中正故能
見幾而作也盱豫

有悔位不當也

六三與六二枉反者六二
中正而六三不中正也

由豫大有得

志大行也

謂大者之志得行也即
象傳所謂剛應而志行

六五貞疾乘剛也恒

不死中未亡也

乘剛而有衰弱之疾則不能制強臣矣處上卦之中則天子之名位猶未亡也

冥豫在上何可長也

豫既終極何可以長處此樂也故必改變其所已成者

傳三之十六凡七十七字注長而知兩切悅樂喜樂此樂音洛

澤中有雷

此釋震下兑上也雷者陽氣出地薄於陰而成聲澤中安得有雷哉易之六十四大象皆

實有非虛言也或求此卦實有之象而不得則以為虛試以人間所嘗有之事得於耳目聞見之實者言之嘗一人家白晝霹靂一聲自臺柱中出視之則有一龍飛去又一人家白晝霹靂一聲自鼓中出視之亦然蓋神龍所養已熟形質盡銷盡俱元惟有一團純陽之氣莊子所謂聚則成體散則成胎者故能出入有元靜則潛於柱間鼓間而人不見動作衝破陰氣而成霹靂之聲也雷者陽氣所為此龍乃陽氣之聚其潛於澤中之

時龍之所在即雷之所在也雷之興龍一也故震為雷亦為龍但地中之雷則地之陽氣所成而此澤中之雷則龍之陽氣所成均是陽氣所成之雷然惟神龍能如此若凡龍則水獸爾不能為雷也神龍所居之靈湫其水清澈不容穢濁每喧污輒興隨此重卦之名水動而雲雨所謂澤中有雷者此也

隨此重卦之名水動而雲雨所謂澤中有雷者此也

則止而不流雷動而有聲者也澤中之雷則靜而无聲以雷之動隨澤而靜故卦名為隨君子以嚮

晦入宴息

嚮如夜嚮晨之嚮晝為明夜為晦入謂居於內雷行天而動者也然亦有居澤而靜之時

是以人之動亦當有時而靜也君子晝則動以勤其事夜則靜以安其身故嚮晦之時入居於內而宴安休息謂夜而寐也人之寐猶雷之蟄也嚮晦象日在兌方而將晦入象震之在內卦宴息象震之動極而靜初二三震之動也二三官有渝從正吉也出門交有功不失也

四互艮動而止也

官有渝從正吉也出門交有功不失也

近舍私係上從正應所以吉也不失謂初以九四為交
則不失所可隨之人也異于六二之失丈夫六三之失
小子係小子弗兼與也但二之中正非必果背五嚮初也
者矣此則必失彼二者弗能兼與也故爻辭示戒云爾
程子曰戒人從正當專一也係丈夫志舍下也則舍初也
隨有獲其義凶也有孚在道明功也理天之宜為義其義凶謂凶者固其宜也明功謂賢明之功即初九爻辭所謂有功也孚于嘉吉位
正中也二之位正而中故曰嘉也拘係之上窮也窮極也在上為隨
此解如也

傳三之十七凡七十字舍音捨
注近舍同背音佩易以豉切

山下有風

此釋巽下艮上也地之理山為牡川為牝北者水之所歸牡者氣之所行氣之行在山腹

之內故曰山下然有養物之氣有賊物之氣養物之氣溫煖和緩烘烘如炁者謂之火賊物之氣冷清勁急拂

拂如吹者謂之風山下有風者謂山腹之內有此賊物之風也 蠱 此重卦之名蠱敗壞

物內氣冷清則外壞枯朽其山崩圯 君子以振民育德

蠱之象非美也君子以之則取其美風在內而能振動外物則象之以振動其民山在外而能涵育內氣則象

之以涵育其德振者作興攸之善新民之事也育者培養已之善明德之事也育德以山下取象與蒙卦同

幹父之蠱意承考也 陰柔豈能幹父之蠱哉然其意亦欲承父之志焉爾才雖不足意則

可嘉 幹母之蠱得中道也 長女暫當家則少女專奉母得時中之道也 幹父

之蠱終无咎也

以陽剛幹父之蠱終不
變為陰柔則終无咎

裕父之蠱往未

得也

往未得者
稱弱故也

幹父用譽承以德也

有柔剛適中之德
故能幹父而用譽

蓋以德而承父之志也初六六五皆才不足故初六之
意承考其承之也有其意而已非有其才也六五之承
以德其承之也以其德而已非以其才也夫承者固子
道之宜然陰柔事親之道爾陽剛事親之道則異乎是
啓賢能敬承繼禹之道此以賢嗣聖陰柔之道也善繼
人之志善述人之事周公成文武之德此以聖嗣聖陽
剛之道也

道也

不事王侯志可則也

言其志之高尚
可為法則也

傳三之十八凡六十字注清七正切杞部
鄒切長女知兩切少女詩詒切夫承音扶

澤上有地

此釋兌下坤上也若西海北海
之濱大澤之上而有高地也

臨

此重卦之
名大澤之

上而有高地下臨
深海故卦名為臨

君子以教思无窮容保民无疆

教謂

以義其教也思之所及深遠長久无有窮已之時容

謂容保之以仁其容保也尺地一民皆被其惠澤无有

疆界之限教者兌澤之所漸民者坤地之外所有思如澤

之漸入於地中容保如澤之四周於地外无窮者如澤

水之不涸无疆者如坤土之至廣師卦以地水容

畜坤地為容民臨卦以兌澤容保坤地為容保民

貞吉志行正也以君之志下行於民而得其正也

貞吉志行正也

易象

二十一

吉无不利未順命也

陽在五而下感以臨初其貞吉者

四陰猶盛民未順君之命必自降下以感其

民此盤庚之數于民而命衆悉至于庭者也

當也既憂之咎不長也

說以不正故為媚說之態先雖媚

咎不長故至臨无咎位當也四剛下初為至臨故初大

君之宜行中之謂也以下行於二也敦臨之吉志在內也

內二剛也志在順乎內之二剛以俟其進故吉

傳三之十九凡七十二字思息嗣切注漸茲俞切涸竭各切雖長知兩切媚說音曰

風行地上此釋坤下觀人此重卦之名風之偏行地上如

為先王以省方觀民設教巡省四方象風之行於地觀

民象風之吹萬不同設教象風之因萬竅而成聲方民

上觀初六童觀小人道也程子曰所觀不明如童穉乃

闕觀女貞亦可醜也

項氏曰婦人之目所闕者狹婦无公事所知者蠶織女无是非所闕

者酒食此在女德為不失男

觀我生進退未失道也

臨釋

九二曰未順命謂二剛浸長而猶必俯就其民蓋以四陰猶盛而民或未順君命也釋觀六三曰未失道謂六三從六四同進消陽然觀六四而為進退四猶臣順而三亦未失臣道也未順命慮之辭未失道幸之之辭未順言終不能以不順也未失言終不保其不失也臨進為泰則未順者順矣觀進為剝則未失者失矣觀國之光尚賓也

言上進以朝貢觀我生觀民也

五為四

為五之民五觀四之所為者

觀其生志未平也

小人長

孤危上九自觀其身圖以免禍其志未得帖然安平而无憂患也

傳三之二十凡五十九字注之分扶問切說音小浸長長盛知兩切朝貢音朝背音佩

電雷

此釋震下離上也電在前而雷繼其後也卦畫以下為先而上為後時之先後也卦象以上為前而

下為後位噬嗑此重卦之名既開為電而有光矣又合之先後也噬嗑為雷而有聲既開又合猶噬之而使開

者合也故先王以明罰勅法明者辨別精審之意勅者整飭嚴儆之意明象電光

勅象雷威罰者一時所用之法法者平日所定之罰一時所用之尤當者示平日所定之法信必也故明其罰所

以勅屢校滅趾不行也於初而屢校滅趾者未經鞠問其法屢校滅趾不行也於人以此拘留之令其不得行

去終獲噬膚滅鼻乘剛也以至柔乘至近之剛故噬之釋免也噬膚滅鼻乘剛也易而膚滅其鼻也項氏曰他

卦以乘剛為厄噬惡者以乘剛為利遇毒位不當也位二最易噬又乘剛焉如膚在齒上

不當在肉為不正利艱貞吉未光也初九以六二之易

之臭味所謂毒也利艱貞吉未光也噬有易心焉遂至

滅鼻若九四之難噬則非可易者故戒貞厲无咎得當

也乾肉之堅難噬也故貞厲无咎何校滅耳聽不明也其

耳之不聰不聞善言故怙終極惡以致受罪也

傳三之二十一凡五十三字雷雷舊本作雷電

程子曰象无倒置者疑文互也朱子曰當作電

雷今從之注別攷列切易以豉切

山下有火此釋離下艮上也麗於物而其氣溫暖者无體之火

山下有火者山腹之內有此无體之火也醫書六氣論

火分為二有君火有相火而以溫暖之氣為君火炎熱

火分

易纂言

三

之氣為相火邵子謂火半隱半見蓋隱而无體者君火見而有體者相火也易之以火為象凡十卦惟賁卦之火是以賁此重卦之名草木暢茂而光華為賁古文書君火言賁曰賁若草木火者溫暖之氣能養萬物山下有此火氣蘊藏於內則山上之草木暢茂賁然有光華故卦名為賁君子以明庶政无敢折獄朱子曰庶政事之小者折獄事之大者項氏曰賁之用可以明庶政而不可以折獄登謂明者離之明无敢者艮之止庶政又艮象猶山中之多庶物也折獄又離象猶火光之能照見也交互取象其明但可用於艮之庶政止而不舍車而徒義弗乘也義弗乘六二敢用於離之折獄也

舍車而徒義弗乘也

義弗乘六二

就賁於所比之賁其須與上興也

程子曰須隨頤而動者繫於所附與上同

興永貞之吉終莫之陵也

陵謂漸卑進也九三興上九同位山之高也若降在六二

則與六五同六四當位疑也匪寇婚媾終无尤也六四當位

其位非有可疑者也其始也初九疑之而不親其終也知其匪寇乃婚媾也則无尤之意而與之為應矣

六五之吉有喜也聘幣之至可喜之事也白賁无咎上得志也上

反為泰之九二故得志

傳三之二二十二凡六十八字折之吉切註相人悉亮切半見火見賢遍切

山附於地此釋坤下艮上也山高聳於地者也山之下址朽蝕銷圯則山之上頂頽塌陷下而附著

於地剝此重卦之名程子曰山高起於地而上以厚下反附著於地剝之象故卦名為剝

安宅下謂民也宅謂君之所居也民在下為君之基猶地在下為山之基也地基厚於下則山安於上民

基厚於下則君安於上故居上者厚其下所以安已之宅也下者坤象宅者艮象厚者欲其如地安者欲其如山剥牀以足以滅下也滅與爻辭茂字同義非滅沒滅息滅絕之滅剥其足者謂削陵

具下剥牀以辨未有與也

丘氏富國曰與應也凡陰陽相應為有與困九四應初六

言有與是也陰陽不應為元與井初六不應六四言元與是也咸六爻皆應則謂之感應以相與艮六爻皆不應則謂之敵應不相與剥之未有與者言當剥之時在上未有以應陰元以止陰之進也大凡小人為害使其間有一君子與之為應以遏止之則猶有所顧忌而不敢肆惟其未有與此剥道所以進長而不可救也聖人於此不謂之元與而謂之未有與蓋不忍陰柔之害正而猶冀有以止之也澄案丘說是也初六之剥足惟元與也故剥遂至於四使六二之剥辨而有與則剥不及五矣惟其未有與故剥遂至於五若六三之剥之唯其

有與也上九之所以不剝也未有云者言六二之所未
有至六三而後有也蓋傷有與之不蚤而僅能存一陽

也剝之元咎失上下也

程子曰其所處與上下諸陰不同是與其同類相失於處剝之

道為元咎如東漢之呂強是也剝牀以膚切近災也

程子曰剝及其膚切近於災禍也

以宮人寵終元尤也

程子曰羣陰剝陽以至於極六五若能長率羣陰駢首順序獲寵愛

於陽則終元過尤也

君子得輿民所載也小人剥廬終不可用也

民謂五陰小人得之有剥廬之象雖卦已至終其占不可用也項氏曰協韻蓋用有以音

傳三之二十三凡六十八字注地部鄙切

雷在地中

凡釋震下坤上也一陽初生於地中未能為雷也而曰雷者春時之雷即此初生之陽所

為復

此重卦之名復者還反也十月純坤陽氣消盡則元能為雷者矣為雷之陽初生於地中猶既去而

來還也故

先王以至日閉關商旅不行后不省方

闕者

之門至日一陽初生故閉關不開商旅不通行則外者不入內人君不巡狩則內者不出外蓋欲地上安靜以

養地下初動之陽也至日震一陽之象閉關坤闕戶之象商旅者坤為衆之象行者震為大塗之象后者震為

君之象方者坤為國土之象項氏曰外之人不遠之復未可行內之君未可出皆象雷之在地也

以修身也

程子曰不遠之復者君子所以修其身也學問之道无他也唯其知不善則速改以從善

已休復之吉以下仁也

六二陰變而復於善處已中正訖陰及

人仁者之事也能使初九初復之陽依附以休息占之吉者以六二之仁而初九下之也下謂初九處六二之

下尊之使在上也舊注皆以初九為仁而六二下之柔
他處凡言下者皆謂在其下也彖傳隨卦剛來而下柔
初剛在二柔之下也咸卦男下女艮男在兄女之下也
象傳屯初九以貴下賤初九貴六二賤而初九在六二
之下也未有在其上而曰下者復之六二處初九之上
而曰下仁與他處所言之例不合注家之意欲尊初九
一陽之復不知中正之六二頻復之厲義无咎也有厲
變剛為二陽之復尤可尊也

復則能補過矣故
於義為无咎也

中行獨復以從道也

道者所行之路也遵其故道而

還曰復獨復者以其在五陰之中
獨能從初九所行之道而上也

敦復元悔中以自考

也考成也程子曰五處中而體順能敦篤其志以
中道自成可以无悔自成謂成其中順之德迷復

之凶反君道也

反字與彖傳剛反同人象傳困而反則
序卦傳窮上反下古文尚書乃反商政

之反同上六之迷其失君道久矣其復者欲復反于君道也然為君之道甚難既失豈易復哉迷而後復雖欲反於君道其凶莫可救也

傳三之二十四凡六十
九字注豈易以鼓切

天下雷行

此釋震下乾上也言普天之下雷之行无不徧而六合之內物之衆无不聞也素卦之有

雷者凡十五二雷及與雲雨電風並者共七卦皆言其名而不言其處澤中地中雖言其處然元聲之雷也山下天上雖是有聲之雷然一則幽潛而未及一則亢極而已過至若澤上之雷間或有之而不常有皆非可以人間常聞之雷一祭論有其聲有其處人間所常聞者惟山上之雷出地之雷天下之雷三象而已山上出地之雷此處所聞他處不徧聞也雖二雷之海其聲不過百里之遠唯天下雷行則是雷徧行於天下而元一處

之不開與風行地上之衆同彼謂風徧行於地
之上而元一處之不被也故唯二衆以行字言物與元
妄達此重卦之名而加以物與二字者元二字則辭義不
物不聞其聲聞之者雖庸愚之人莫不恐懼而心元妄
思身元妄為有知元知之物一同驚駭振動而元有所
私皆元妄也是物物而與先王以茂對時育萬物茂慤
之以元妄矣故卦名元妄物不遂其生也天有四時萬物出乎震故時屬乾萬物
勉之意上奉天時以行政令使元一民不得其所元一
屬震上之時而對之以在下之元妄之往得志也得志
震下之物而育之以在上之乾字程子曰誠之於物元不能動以之修身則身正以之
治事則事得其理以之臨人則人感而化以元妄而往
元不得其志也五以實之聖人慮其有妄求之
不耕穫未富也富謂陽實也二陽未實往資於

心故以不耕示戒雖不耕而終必有穫者蓋以其未能如陽實之富必至有穫而後可以為富也項氏曰小畜九五富以其隣泰六四謙六四不富以其隣升上六消不富也皆以陽為富陰為不富无妄之六二進於陽矣但未純耳故行人得牛邑人災也其得者无妄之禍其

曰未富也

行人得牛邑人災也

其得者无妄之禍其

妄之人居无妄之時災福非可以妄而致也

可貞无咎固有之也

无妄者已

无一善可稱賴上下夾持之益而不至於妄若九四之可貞无咎則其剛實无私之善乃已固有之而非資於人也无妄之樂不可試也試猶用也不可試者无妄之

行窮之災也

朱子曰上九非有妄也但其窮極而不可行爾

傳三之二十五
凡六十二字

天在山中

此釋乾下艮上也天元處不有凡虛空處皆天也高山之下崑洞之中隔絕人世而其中

空曠可見日月有晝有夜方外之人謂之洞天者是為天在山中也

大畜

此重卦之名天至大之物而藏

畜於一山之中是其所藏畜者大也故卦名大畜

君子以多識前言往行以畜

其德

識謂記之於心德大於前言往行猶天之德猶山以外之所聞所見而涵養其中至大之德猶山

在外而藏畜至大之天於中也前言有厲利已不犯災往行象山中寶藏之多德象天之大有厲利已不犯災

也程子曰有厲則宜已不犯災危而進也

輿說輟中无尤也

程子曰輿說輟而不行者

蓋處得中道動不失宜故无過尤也善莫善於剛中柔中者不過柔爾剛中而才也初九處不得中故戒以

有危宜已二得中進止自无過差故言輿說輟謂不能下行也

利有攸往上合志也

程

曰上九與三合志上進也六四元吉有喜也元德之人能以陰柔六

五之吉有慶也剛在外而主夫柔柔在下而何天之衢

道大行也天謂陽剛言陽剛之道得行也

傳三之二十六凡六十二字

山下有雷此釋震下艮上也山內為陽氣所包故多雷

隱而出俗謂之雷頤此重卦之名山下崑洞天陰雨之

人為山下有雷也頤時雷聲殷殷在其中山側有穴如

人頤口象而雷自中出騰騰以上於天是山下君子以

慎言語節飲食

人之言語自口出飲食自口入觀象於頤而慎節之者朱子曰諺云禍從口出

病從口入項氏曰慎言語象雷之臧聲節飲食象山之生物澄謂卦體中虛象口而義則為養雷者氣也震在內而口向外故慎其自內出外之言語以養氣山者形也艮在外而口向內故節其自外入內之飲食以養形

觀我朵頤亦不足貴也

程子曰自我為可賤也項氏曰亦不足貴者示其本貴也

六

二征凶行失類也

類謂初九同體比近乃其類也近舍初九而行求上九則失其類矣所求

者非其類所以凶也

十年勿用道大悖也

大謂上九之陽六三小人不謂上九之陽六三小

與上九養賢之道相悖戾也

顛頤之吉上施光也

程子曰顛倒求養而吉者蓋得剛陽

之應以濟其事致已居上之德施光被于天下吉孰大焉

居貞之吉順以從上也

五六

之但能居貞而吉者蓋柔順以從上九而求養者爾非陽剛之才能自養且養人者也故不可以動而有為

由頤厲吉大有慶也

陽剛之大能養已以養天下已與人俱有福慶也

傳三之二十七凡六十四字施中志切注殷倚謹切舍音捨

澤滅木

此釋巽下兌上也木生在澤木高澤平澤水漲溢浸過木杪滅沒其木則澤高出於木上而木

低入於澤下矣

大過

此重卦之名澤之水滅沒其木是

君子以

獨立不懼遯世元悶

君子大過人之事其獨立不移也如木在水中挺峙而不傾故其遯

世不見也如水過木杪淹沒而不呈露不懼於內而元悶乎外猶木不動搖而任水之淹沒也蔡氏曰獨立不

懼巽木象遯世元悶兌說象

藉用白茅柔在下也

柔而又在下故畏謹過甚老夫

女妻過以相與也

相與相應也二五皆陽本不相應因二變柔遂相應而為夫妻其相與之

情過於棟橈之凶不可以有輔也車輻之弱則縛木於

有九二如車輻之有輔也可以培補橈處棟隆之吉不

而三不受益輔九所施故云不可以有輔棟隆之吉不

橈乎下也下謂初也橈乎下謂不因下之弱而至於

不橈以在下正應之弱然三不得二之輔則遂以上之

弱而橈四能得五之輔則不以上之弱而橈也象傳於

三不言橈乎上於四不枯楊生華何可久也老婦士夫

言有五之輔互相備也程子曰枯楊而生華安能久乎過涉之凶不

亦可醜也老婦而得士夫亦為可醜也過涉之凶不

可咎也與初皆為卑下以事陽者上六不

幸而過凶具元咎則與初一也

傳三之二十八凡六十
八字注下見賢遍切

水洊至

此釋坎下坎上也洊再也

習坎

此仍義皇八卦之名而為

重卦之坎上加習字以別於八卦之坎舉此一卦為例而離震艮巽兌五卦不復加者可類推也君子

以常德行習教事

始終如一之謂常一再不已之謂習常習以象二坎之重德行者德之行

教事者教之事德行者一君之所進修九二如此九五又如此常其德行也教事者二民之所視效初三如此

四上又如此習坎入坎失道凶也程子曰柔弱元援而習其教事也

更入坎當求小得未出中也一陽未能出於中而脫險失道也

得所來之坎坎終无功也用事則終必无功故勿宜用樽酒簋二剛

柔際也

五剛四柔相交坎不盈中未大也二五皆取剛變為柔之義

蓋剛中而不能出險亦與柔陰同也九二之經曰求小得謂其求得而不免為陰柔之小也九五之傳曰中未大謂其居中而未上六失道凶三歲也失道謂民而能為陽剛之大也上六失道凶三歲也敢乘君也

傳三之二十九凡六十字樽酒簋下舊本有貳字索陸氏釋文无之今世所行張畝陸希聲皆同

明兩作

此釋離下離上也明謂大明日也作猶起也兩作者一明起又一明起也古人言十日並出自

甲至癸為十日甲之旦一日出乙之旦又一日出為並出此言明兩作猶彼言日並出也離

此仍義皇八卦

之名而為重卦之名

大人以繼明照于四方

大人者有大德居大位之人繼者先後相

續象二離之重明指中虛之二畫而言六二之明于下地六五之明又上於天二明相繼也四方者指四陽畫

而言初為東三為南四為西上為北項氏曰繼明如言聖繼聖程子曰凡以明相繼皆繼明也舉其大者故以

世襲繼履錯之敬以辟咎也項氏曰邪正錯然並陳於前欲其敬者未論求福且

欲辟咎也黃離元吉得中道也程子曰元吉者以得中道也

成文明由中也程子曰既傾晨日昃之離何可久也明能久乎明者知

其然故求人以繼其事退處以休突如其來如无所容

也亂臣賊子人人得而誅之无六五之吉離王公也繼

而照四方上則麗于一王王用出征以正邦也邦謂侯

之位下則麗于羣公之固國征者所以正不臣順之邦也

傳三之三十凡六
十二字辟皮二切

易纂言卷五